



初唐第八

唐詩紀八

吳郡黃德水彙編

鄆郡吳瑄校訂

上官儀

本傳云字游韶陝州人家於江都幼為沙門服工文詞貞觀初舉進士授弘文

館直學士遷秘書郎太宗雅好屬文每遣儀視草多令繼和凡有宴集儀嘗與焉高宗立進西臺侍郎工於五言詩以綺錯婉媚為本儀既貴顯人多倣之謂上官體儀頗恃才任勢故為當代所嫉許敬宗構坐梁王忠事下獄死有集三十卷

奉和過舊宅應制

石關清晚夏璇輿御早秋神麾颺珠雨仙吹響飛

流沛水祥雲泛宛郊瑞氣浮大風迎一作漢筑藜

煙入舜球翠梧臨鳳邸滋蘭帶鶴舟偃伯歌玄化

扈蹕頌王遊遺簪謬昭獎珥筆荷恩休

早春桂林殿應詔

步輦出披香清歌臨太液曉樹流鶯滿春堤芳草

積風色一作光翻露文雪華上空碧花蝶來未已山

光曖將夕

安德山池宴集

上路抵平津後堂羅薦陳締交開狎賞麗席展芳

辰密樹風煙積迴塘荷芰新雨霽虹橋晚花落鳳

臺春翠釵低舞席文杏散歌塵方惜流觴滿夕鳥

已城闈

酬薛舍人萬年宮晚景寓直懷友

奕奕九成臺窈窕絕塵埃蒼蒼萬年樹玲瓏下冥

霧池色搖晚空巖光一作花斂餘煦清切丹禁靜浩

蕩文河注畱連窮勝託風一作風期揆善譖東望安

仁省西臨子雲閣長嘯披煙霞高步尋蘭若金狄

掩通門雕鞍歸騎喧燕姝對明月荆豔促芳樽別

詩已

詩已

詩已

有青山路策杖訪王孫

奉和潁川公秋夜

次寥空色遠芸黃淒序變涸浦落遵鴻長飈送巢
燕千秋流夕景萬籟含宵喚峻雉聆金柝層臺切
銀箭

謝都督挽歌

漠漠佳城幽蒼蒼松檟暮曾幕飄欲卷宛駟悲還

顧楚挽

一作繞

盧山胡笳臨武庫悵然郊原靜煙

生歸鳥度

八詠應制二首

啓重帷重帷照文杏翡翠藻輕花流蘇媚浮影瑤
笙燕始歸金堂露初晞風隨少女至虹共美人歸
羅薦已擘鴛鴦被綺衣復有蒲萄帶殘紅豔粉映
簾中戲蝶流鶯聚窓外洛濱春雪迴巫峽暮雲來
雪花飄玉輦雲光上璧臺共待新粧出清歌送落
梅

入叢臺叢臺裛春露滴瀝間深紅參差散輕素粧

疑作初蝶驚復聚黃鸝飛且顧攀折殊未已復值驚

詩已

初唐卷之八

三

言糸
飛起送影舞衫前飄香歌扇裏望望惜春暉行行
猶未歸暫得佳遊趣更愁花鳥稀且 鳥聲調鳳
管方移花影入鴛機

和太尉戲贈高陽公

薰爐御史出神仙雲鞍羽蓋下芝田紅塵正起浮
橋路青樓遙敞御溝前傾城比態芳菲節絕世相
嬌是六年慣是洛濱要解珮本自河間好數錢翠
釵照曜銜雲髮玉步逶迤動羅袜石榴絞帶輕花
轉桃枝綠扇微風發無情拂袂欲留賓詎恨深潭

不可越天津一別九秋長豈若隨聞三日香南國
自然勝掌上東家復是憶王昌

王昭君

玉關春色晚金河路幾千琴悲桂條上笛怨柳花
前霧掩臨粧月風驚入鬢蟬絨一作書待迴使淚

盡白雲一作南天

詠雪應詔

禁園凝朔氣瑞雪掩晨曦花明棲鳳閣珠散影娥
池飄素迎歌上翻光向舞移幸因千里映還繞萬

年枝

紀事云儀應詔詩中用影娥池學士無解其事者令狐德茶召張柬之等十餘人示此詩東之對曰洞冥記云漢武帝於望鶴臺西起俯月臺臺下穿池每登臺眺月影入池中使宮人乘舟笑弄月影因名影娥池德茶歎其博識

奉和山夜臨秋

殿帳清炎氣輦道含秋陰淒風移漢筑流水入虞琴雲飛送斷鴈月上淨疎林滴瀝露枝響空濛煙壑深

江王太妃挽歌

黃鶴悲歌絕椒花清頌餘埃凝寫鄰鏡網結和扉

魚銀消風燭盡珠滅夜輪虛別有南陵路幽叢臨葉疎

故北平公挽歌

木落園林曠庭虛風露寒北里清音絕南陔芳草殘遠氣猶標劍浮雲尚寫冠寂寂琴臺晚秋陰入井榦

一作翰非

高密長公主挽歌

湘渚韜靈跡娥臺靜瑞音鳳逐清簫遠鸞隨幽鏡沈霜處華芙

一作英

落風前銀燭侵寂寞平陽宅月

冷洞房深

詠畫障

芳晨麗日桃花浦珠簾翠帳鳳凰樓蔡女菱歌移
錦纜燕姬春望上瓊鈎新妝漏影浮輕扇冶袖飄
香入淺流未減行雨一作雲荆臺下自比凌波洛浦
遊

奉和秋日卽目應制

上苑通平樂神池邇建章樓臺相掩映城闕互相
望緹油泛行幔簫吹轉浮梁晚雲含朔氣斜照蕩

秋光落葉飄蟬影平流寫鴈行
槿散凌風縹荷銷
裊露香仙歌臨杵詣玄豫歷長楊歸路乘明月千
門開未央

入朝洛堤步月

古今詩話儀嘗凌晨入朝循洛水堤步月徐
轡詠詩云云音韻清亮羣公望之猶神仙焉

脈脈廣川流驅馬歷長洲鵲飛山月曙蟬噪野風

秋

春日

紀事作元
萬頃詩

花輕蝶亂仙人杏葉密鶯啼一作喧帝女桑飛雲閣

上春應至明月樓中夜未央

從駕閭山詠馬

桂香塵處滅練影月前空定惑由關吏徒嗟塞上

翁

李義府

本傳云其先瀛州人後家于永泰貞觀中除太子舍人與來濟俱以文翰見知時稱來李永徽中拜中書侍郎封廣平縣男與人語必嬉怡微笑而漏忌陰賊時人言其笑中有刀又以柔而害物亦謂之李貓顯慶中為中書令進封河間郡公後揚行頴表言罪狀流死雋州史論言義府才思精密所謂猩猩能言

在雋州遙敘封禪

天齊標巨鎮日觀啓崇期岩堯臨渤澥隱嶙控河

沂

一作湄

眺迴分吳乘凌高屬漢祠建岳誠為長升

功諒在茲帝猷符廣運玄範暢文思飛聲總地絡

騰

一作裁

化撫乾維瑞策開珍鳳禎圖薦寶龜創封

超昔夏修禪掩前姬東后方肆覲西都導六師肅

返

一作

駕移星苑揚罕馭風司沸鼓喧平陸疑蹕靜

通達汶陽馳月羽蒙陰警電麾

一作

品花飄曙輦

峯葉蕩春旗石閭環藻衛金壇映黼帷仙階溢秘

和靈檢耀祥芝張樂分韶濩觀禮縱華夷佳氣浮

丹谷榮光泛綠坻三始貽遐祝萬歲受重釐菲質
陶恩獎趨迹奉軒墀觸網淪幽裔乘徼限明時周
南昔已歎邛西今復愁

招諭有懷贈同行人

遠遊冒艱阻深入勞存諭春去辭國門秋還在邊
戍軒車行未返節序催難駐陌上悲轉蓬園中想
芳樹蜀山自紛糾岷水恒奔注臨泛多苦懷登攀
寡歡趣永夕飛滂雨崇朝蒸毒霧不求綏嶺桃寧
美邛鄉蒟白狼行欲靜驄馬何常驅願接輶旆塵

聯翩東北驚

和邊城秋氣早

金微凝素節玉律應清葭邊馬秋聲急征鴻曉陣
斜關樹凋涼葉塞草落寒花霧暗長川景雲昏大
漠沙谿深路難越川平望超忽極望斷煙飄遙落
驚蓬沒霜結龍城吹水照龜林月日色夏猶冷霜
華春未歇睿作高紫宸分明映玄闕

詠鸚鵡

牽弋辭重海觸網去層巒戢翼雕籠際延思彩霞

端慕侶朝聲切離羣夜影寒能言殊可貴相助憶
長安

宣正殿芝草

明王敦孝感寶殿秀靈芝色帶朝陽淨光涵雨露
滋且標宣德重更引國恩施聖祚今無限微臣樂
未移

堂堂詞二首

鏤月成

一作爲

歌扇裁雲作舞衣自憐迴雪影好取

洛川歸

唐新語云義府嘗賦詩云鏤月成歌扇裁雲作舞衣照鏡自憐迴雪影來時好取洛

川歸謂之活剝張昌齡生吞郭正一又紀事云義府嘗賦詩曰鏤月爲歌扇裁雲作舞衣自憐迴雪影好取洛川歸有棗強尉張懷慶好偷竊名士文章乃爲詩曰生情鏤月爲歌扇出性裁雲作舞衣照鏡自憐迴雪影來時好取洛川歸時人爲之語曰活剝張昌齡生吞郭正一

懶整鴛鴦被羞褰玳瑁牀春風別有意密處也尋

香

詠烏

紀事云義府初遇以李大亮劉洎之薦太宗召令詠烏云云帝曰與卿全樹何止一枝

日裏颺朝彩琴中伴夜啼上林如許樹不借一枝

栖

詩系
閣立本

唐新語云太宗嘗與侍臣汎舟春苑池中
中有異鳥隨波容與太宗擊賞數四詔
坐者為詠召閣立本寫
圖時立本為主爵郎中

巫山高

見蜀志一作
閻復本詩

君不見巫山高半天起絕壁千尋盡相似君不
見巫山磕匝翠屏開湘江碧水遶山來綠樹春嬌
明月峽紅花朝覆白雲臺臺上朝雲無定所此中
窈窕神仙女仙女盈盈仙骨飛清容出沒有光輝
欲暮高唐行雨送今宵定入荆王夢荆王夢裏愛
穠華枕席初開紅帳遮可憐欲曉啼猿處說道巫

山是妾家

張文琮

貝州人後徙家魏州貞觀中為持書侍
御史永徽初獻文皇帝頌拜戶部侍郎

坐事出為建州刺
史卒見弟文瓘傳

同潘屯田冬日早朝

假寐懷古人夙興瞻曉月通晨禁門啓冠蓋趨朝
謁霜靄清九衢霞光照雙闕紛綸文物紀煥爛聲
明發腰劍動陸離鳴玉和清越

詠水

標名資上善流派表靈長地圖羅四瀆天文載五

詩已

初唐卷之八

十一

言終
不厚卷之八
潢方流涵玉潤圓折動珠光獨有蒙園吏棲偃翫
濠梁

賦橋

造舟浮渭日鞭石表秦初星文遙瀉漢虹勢尚凌
虛已授文成履空題武騎書別有臨濠上棲偃獨
觀魚

蜀道難

梁山鎮地險積石阻雲端深谷下寥廓層巖上鬱
盤飛梁架絕嶺棧道接一作危巒攬轡獨長息方

知斯路難

昭君怨

戒途飛萬里迴首望三秦忽見天山雪還疑上苑
春玉痕垂粉淚羅袂拂胡塵爲得胡中曲還悲遠
嫁人

和楊舍人詠中書省花樹

花萼映芳叢參差間早紅因風時落砌雜雨乍浮
空影照鳳池水香飄雞樹風豈不愛攀折希君懷
袖中

張文收 武城人文琮從父弟善音律貞觀初授協律郎制景雲河清樂成亨中遷太子

率更令卒所撰新樂書十二卷

大酺樂

淚滴珠難盡容殘玉易銷倘隨明月去莫道夢魂

遙入

薛元超 本傳云汾陰人收子也九歲襲爵汾陰男及長好學善屬文貞觀中累授太子

舍人預撰晉書高宗時拜中書令加金紫致仕卒有文集四十卷元超好引寒俊時論稱美○紀事云上元初政出

武氏因陽暗乞骸骨歸卒

奉和同太子監守違戀

儲禁銅扉啓宸行玉輅 一作 遙空懷壽街吏尚隔

寢門朝地首瞻龍戟塵外 一作 想鸞 一作 鑣飛文

映仙榜瀝思叶神飈帝念紆蒼壁 一作 陸乾文煥

紫霄歸 一作 塘橫碧海平圃振詞條欲應重輪曲

鏘洋韻九韶 平圃見山海經槐江之陽寔惟帝之平圃

李敬玄 本傳云亳州人博覽羣書特善五禮高宗在東宮馬周薦之召入崇賢館侍讀

累遷吏部尚書拜中書令儀鳳中吐蕃入寇劉仁軌奏敬玄宜鎮守西邊帝強遣之由是

大敗遭貶所撰禮論六十卷正論三卷文集三十卷

奉和別魯王

綠車旋楚服丹蹕佇秦川珠臯轉歸騎金岸引行
旃一朝限原隰千里間風煙鶯喧上林谷鳧響御
溝泉斷雲移魯蓋離歌動舜絃別念凝神展崇恩
洽玳筵顧惟慙叩寂徒自仰鈞天

奉和別越王

飛蓋廻蘭坂宸襟佇栢梁別館分涇渭歸路指衡
漳關山通曙色林籟徧春光帝念紆千里詞波照
五潢

張大安

公謹之子 上元中同知政事 章懷太子
今與劉訥言等同注 范曄漢書太子廢

張普州刺史
終橫州司馬

奉和別越王

盛藩資右戚連萼重皇情雜襟愴睢苑分途指鄴
城麗日開芳甸佳氣積神京何時驂駕入還見謁

承明

牛鳳及

長壽中撰唐書斷自武德終于弘道為
百有十卷。劉軻與馬植論史官書云
文皇帝受命有若魏
鄭公揚仁卿牛鳳及

奉和受圖温洛應制

八神扶

一作承

玉輦六羽警瑤谿戒道伊川北通津

一作澗水西御圖開洛匱刻石與天齊瑞日波中

上仙禽霧裏低微臣矯弱翮抃舞接鸞鷲

賀朝清

賦得遊人久不歸

一作劉孝孫詩非

鄉關眇天末引領悵懷歸羈旅久滯滯物色屢芳
菲稍覺出意盡行看蓬鬢稀如何千里外佇立霑

裳衣

初唐第八

初唐第九

唐詩紀九

吳郡黃德水彙編

鄆郡吳 瑄校訂

王勃

文苑傳云字子安絳州龍門人文中子通孫也六歲解屬文與兄劼勳才藻相類杜

易簡稱之曰此王氏三珠樹也勃年未及冠應舉及第沛王賢聞其名召為沛府脩撰戲

為檄英王雞文高宗覽之怒曰此是交構之漸出補虢州參軍父福時坐勃故左遷交趾

令勃往省父渡南海墮水卒初李敬玄稱勃與楊炯盧照隣駱賓王必當顯貴裴行儉曰

勃等雖有才而浮躁淺露豈享爵祿楊稍沈靜應至今長餘得令終為幸果如其言。紀

事云勃為文先磨墨數升引被覆面而用忽起書之初不加點時謂腹藁

詩已

初唐卷之九

一

四言古詩

倬彼我系

勃兄勵序

倬彼我系舍弟虢州參軍勃所作也傷迫乎家
貧道未成而受祿不得如古之君子四十強而
仕也故本其情性原其事業因陳先人之迹以
議出處致天爵之艱難也

倬彼我系出自有周分疆錫社派別枝流居衛仕
宋匡羸相劉廼武廼文或公或侯晉曆崩圻衣冠
擾弊粵自太原播徂江滋禮喪賢隱時屯道閉王

室如燬生人多殪伊我有器思逢其主自東旋西
擇木開宇田彼河曲家乎汾浦天未厭亂吾將誰
輔伊我祖德思濟九埏不常厥所于茲五遷欲及
時也夫豈願焉其位雖屈其言則傳爰述帝制大
蒐王道曰天曰人是祖是考禮樂咸若詩書具草
貽厥孫謀永爲家寶伊余小子信慙明哲彼網有
條彼車有轍思屏人事克終前烈于嗟代網卒余
來緲來緲伊何謂余曰仕我瞻先達三十方起夫
豈不懷高山仰止願言毓德啜菽飲水有烏反哺

其聲嗷嗷言念舊德憂心忉忉今我不養歲月其
滔僂俛從役豈敢告勞從役伊何薄求卑位告勞
伊何來參卿事名存實爽負信愆義靜言遐思中
心是愧

五言古詩

上巳浮江宴韻得陟字

披觀玉京路駐賞金臺陟逸興懷九仙良辰傾四
美松吟白雲際桂馥清谿裏別有江海一作漢心日
暮情何已

春日宴樂遊園賦韻得接字

帝里寒光盡神臯春望浹梅郊落晚英柳甸驚初
葉流水抽奇弄崩雲灑芳牒清尊湛不空暫喜平
生接

山亭夜宴

桂宇幽襟積松臺涼夜永森沈野逕寒肅穆巖扉
靜竹晦南阿一作河色荷翻北潭影清興殊未闌一作

歸林端照初景

詠風

肅肅涼風

一作景

生加我林壑清驅煙尋磎戶卷霧

出山楹去來固無跡動息如有情日落山水靜為

君起松聲

懷仙

并序

客有自幽山來者啓予以林壑之事而煙霞在焉思解纓紱永詠山水神與道超跡為形滯故

書其事焉

鶴岑有奇徑麟洲富仙家紫泉漱珠液玄巖列丹葩常希披塵網眇然登雲車鸞情極霄漢鳳想疲

煙霞道存蓬瀛近意愜朝市賒無為坐惆悵虛此

江上華

忽夢遊僊

僕本江上客牽跡在方內寤寐霄漢間居然有靈對翕爾登霞首依然躡雲背電策驅龍光煙途儼鸞態乘月披金帔連星解瓊珮浮識俄易歸真遊一作魂邈難再寥廓沈遐想周遑奉遺誨流俗非我鄉何當釋塵昧

七言古詩

滕王閣

勃父為交趾令勃往省父道出洪都都督閻伯嶼宴集滕王閣命之序蓋宿命其婿預成將舉屬客必讓而及焉勃適至不辭下筆立就末成四韻

滕王高閣臨江渚佩玉鳴鸞罷歌舞畫棟朝飛南浦雲珠簾暮捲西山雨閒雲潭影日悠悠物換星移幾度秋閣中帝子今何在檻外長江空自流

寒夜懷友二首

北山煙霧始茫茫南津霜月正蒼蒼秋深客思紛無已復值征鴻中夜起

複閣重樓向浦開秋風明月度江來故人故情懷故宴相望相思不相見

長短句

江南弄

江南弄巫山連楚夢行雨一本無行雨字行雲幾相送瑤

軒金谷上春時玉童仙女無見期紫霧香煙眇難託清風明月遙相思遙相思草徒綠為聽雙飛鳳

鳳曲

秋夜長

詩經 初唐卷之九
秋夜長殊未央月明露白澄清光層城綺閣遙相望遙相望川無梁北風受節南鴈翔崇蘭委質時菊芳鳴環曳珮一作履出長廊爲君秋夜擣衣裳織羅對鳳皇丹綺雙鴛鴦調砧亂杵思自傷思自傷一本無此三字征夫萬里戍他鄉鶴關音信斷龍門道路長君在天一方寒衣徒自香

採蓮曲

一作採蓮歸

採蓮歸綠水芙蓉衣秋風起浪鳧鴈飛桂棹蘭橈下長浦羅裙玉腕輕搖櫓葉嶼花潭極望平江謳

越吹相思苦相思苦佳期不可駐塞外征夫猶未還江南採蓮今已暮今已暮採蓮花渠今那必盡娼家官道城南把桑葉何如江上採蓮花蓮花復蓮花花葉何稠疊葉翠本羞眉花紅強似頰佳人不在茲悵望別離時牽花憐共蒂折藕愛連絲故情無處所新物徒華滋不惜西津交珮解還羞北海鴈書遲採蓮歌有節採蓮夜未歇正逢浩蕩江上風又值徘徊江上月徘徊蓮浦夜相逢吳姬越女何丰茸共問寒光一作江千里外征客關山路幾

重

臨高臺

臨高臺高臺迢遞絕浮埃
 瑤軒綺構何崔嵬
 鸞歌鳳吹清且哀
 俯瞰長安道
 萋萋御溝草
 斜對甘泉路
 蒼蒼茂陵樹
 高臺四望同
 帝鄉一本無帝鄉二字佳氣鬱葱葱
 紫閣丹樓紛照耀
 璧房錦殿相玲瓏
 東迷長樂觀一作道西指未央宮
 赤城映朝日
 綠樹搖春風
 旗亭百隊開
 新市甲第千
 薨分戚里
 朱輪翠蓋不勝春
 疊榭層楹相對起
 復有青樓大道中
 繡戶

文窻雕綺櫳
 錦衾夜不廢
 羅帷晝一作夕未空
 歌屏朝揜翠粧鏡
 晚窺紅爲君
 開寶髻蛾眉罷
 花叢塵間狹路黯
 將暮雲開月色
 明如素鴛鴦池
 上兩兩飛鳳凰樓下
 雙雙度物色正
 如此佳期那不
 顧銀鞍繡轂盛
 繁華可憐今夜
 宿娼家娼家少
 婦不須顰東園
 桃李片時春
 君看舊日高臺
 處柏梁銅雀生
 黃塵

落花落

落花落落
 花紛漠漠
 綠葉青跼
 映丹萼
 與君徘徊

上金閣影拂粧階玳瑁筵香飄舞館茱萸幙落花
飛撩亂入中帷落花春正滿春人歸不歸落花度
氛氲遶高樹落花春已繁春人春不顧綺閣青臺
靜且閒羅袂紅巾復往還盛年不再得高枝難重
攀試復旦遊落花裏暮宿落花間與君落花院臺

上起雙鬟一作環

雜體

雜曲

智瓊神女來訪文君蛾眉始約羅裙一作袖初薰歌

齊曲韻舞亂行分若向陽臺薦枕何啻得勝朝雲

五言律詩

銅雀妓二首

金鳳鄰銅雀漳河望鄴城君王無處所臺榭若平
生舞席紛何就歌梁儼未傾西陵松檟冷誰見綺
羅情

妾本深宮妓層城閉九重君王歡愛盡歌舞為誰
容錦衾不復襞羅衣誰再縫高臺西北望流涕向
青松

詩紀

初唐詩卷之九

八

聖泉宴

并序

玄武山有聖泉焉浸淫歷數百千年乘巖泌湧
 接磴分流下瞰長江沙堤石岸咸古人遺跡也
 茲乃青蘋綠芰紫苔蒼蘚遂使江湖思遠寤寐
 寄託既而崇巒左峻石壑前縈丹嶸萬尋碧潭
 千頃松風唱響竹露薰空瀟瀟乎人間之難遇
 也方欲以林壑為天厲琴樽為日用嗟乎古今
 方深川上之悲少長同遊且盡山陰之樂
 盍題芳什共寫高情詩得泉字

披襟乘石磴列籍俯春泉
 蘭氣薰山酌松聲韻野
 弦影飄垂葉外香度落花前
 興洽林塘晚重巖起
 夕煙

尋道觀

其觀即昌利觀而張天師居也

芝廬光分野蓬闕盛規模
 碧壇清桂闕丹洞肅松
 樞玉笈三山記金箱五嶽圖
 蒼虬不可見一作得空
 望白雲衢

散關晨度

關山凌旦開石路無塵埃
 白馬高譚去青牛真氣

來重門臨巨壑連棟起崇隈卽今揚策度非是棄
繻回

別薛華

送送多窮路遑遑獨問津悲涼千里道悽斷百年
身心事同漂泊生涯共苦辛無論去與住俱是夢
中人

重別薛華

明月沈珠浦秋風濯錦川樓臺臨絕岼洲渚且長
天旅泊成千里棲遑共百年窮途惟有淚還望獨

潸然

遊梵宇三覺寺

香一作杏閣披青磴瑠臺控紫岑葉齊山路狹花積
野壇深蘿幌棲禪影松門聽梵音遽欣陪妙躅延
賞滌煩襟

麻平晚行

百年懷土望千里倦遊情高低尋戍道遠近聽泉
聲礧葉纔分色山花不辨名羈心何處盡風急暮
後清

送盧主簿

窮途非所恨，虛室自相依。
城闕居年滿，琴樽俗事稀。
開襟方未已，分袂忽多違。
東巖富松竹，歲暮幸同歸。

餞韋兵曹

征驂臨野次，別袂慘江垂。
川霽浮煙歛，山明落照移。
鷹風凋晚葉，蟬露泣秋枝。
亭臯分遠望，延想間雲涯。

白下驛餞唐少府

下驛窮交日，昌亭旅食年。
相知何用早，懷抱卽依然。
浦樓低晚照，鄉路隔風煙。
去去如何道，長安在日邊。

杜少府之任蜀州

城闕輔三秦，風煙望五津。
與君離別意，同是宦遊人。
海內存知己，天涯若比隣。
無爲在岐路，兒女共霑巾。

仲春郊外

東園垂柳徑，西堰落花津。
物色連三月，風光絕四

鄰鳥飛村覺曙魚戲水知春初晴山院裏何處染
罽塵

郊興

空園歌獨酌春日賦閒居澤蘭侵小徑河柳覆長
渠雨去花光濕風歸葉影踈山人不惜醉唯畏綠
樽虛

郊園即事

煙霞春日一作早賞松竹故年心斷山疑畫障懸溜
瀉鳴琴草徧南亭合花濃一作開北院深閒居饒酒

賦隨興欲抽簪

觀物跡寺

蓮座神容儼松崖聖趾餘年長金跡淺地久石文
踈顏華臨曲磴傾影赴前除共嗟陵谷遠俄視化
城虛

山居晚眺贈王道士

金壇踈俗宇玉洞侶仙羣花枝棲晚露峯葉度晴
雲斜照移山影迴沙擁溜一作籀文琴樽方待興竹
樹已迎曛

八仙逕

寺南又有昌利觀去寺可數里巖逕窈窕杖而後進

柰園欣八正松巖訪九仙援蘿窺霧術攀桂俯雲

阡一作煙代北鸞驂至遼西鶴騎旋終希脫塵網連

翼下芝田

春日還郊

閑情兼默語一作默默攜杖赴巖泉草綠紫新帶榆青

綴古錢魚牀侵岸水鳥路入山煙還題平子賦花

樹滿春田

對酒春園作

投簪下山閣攜酒對河梁狹水牽長鏡高花送斷

香繁鶯歌似曲踈蝶舞成行自然催一醉非但閱

年光

觀內懷仙

玉架殘書隱金壇舊跡迷牽花尋紫洞一作澗步葉

下清谿瓊漿猶類乳石髓尚如泥自能成羽翼何

必仰雲梯

秋日別王長史

別路長一作餘千里深恩重百年正悲西候日更動

言系 初唐卷之九
北梁篇野色籠寒霧山光斂暮煙終知難再奉懷
德自潛然

上巳浮江宴韻得遙字

上巳年光促中川興緒遙綠齊山葉滿紅洩片疑

岸花銷泉聲喧後澗虹影照前橋遽悲春望遠江

路積波潮

長柳

晨征犯煙磴夕憩在雲關晚風清近壑新月照澄
灣郊童樵唱返津叟釣歌還客行無與晤賴此釋

愁顏

羈遊餞別

客心懸隴路遊子倦一作倦江干槿豐一作濃朝砌靜

篠密夜窻寒琴聲銷別恨風景駐離歡寧竟山川

遠悠悠旅思難

易陽早發

飭裝侵曉月奔策候殘星危閣尋丹嶂迴梁屬翠
屏雲間迷樹影霧裏失峰形復此涼飈至空山飛
夜螢

詩集 初唐卷之九
焦岸早行和陸四

侵星違旅館乘月戒征儔
復嶂迷晴色虛巖辨暗流
猿吟山漏曉螢散野風秋
故人渺何際鄉關雲霧浮

深灣夜宿 主人依山帶江

津途臨巨壑村宇架危岑
堰絕灘聲隱峯交樹影
深江童暮理楫山女夜調砧
此時故鄉遠寧知遊子心

傷裴錄事喪子

蘭堦霜候早松路窈 一作臺深魄散珠胎沒
芳銷玉樹沈露文晞宿草煙照慘
平林芝焚空歎息流恨滿籬金

五言排律

泥谿

弭棹凌奔壑低鞭躡峻岐
江濤出岸險峯磴入雲
危溜急船文亂巖斜騎影移
水煙籠翠渚山照落
丹崖風生蘋浦葉露泫 一作竹潭枝泛水
雖云美勞歌誰復知

詩紀

初唐卷之九

五

秋日仙遊觀贈道士

一作駱賓王詩無首四句

石圖分帝宇銀牒洞靈宮迴丹縈岫室複翠上巖
櫳霧濃金竈靜雲暗玉壇空野花常捧露山葉自
吟風林泉明月在詩酒故人同待余逢石髓從爾
命飛鴻

出境遊山二首

源水終無路山阿若有人驅羊先動石走兔欲投
巾洞晚秋泉冷巖朝古樹新峯斜連鳥翅磴疊上
魚鱗化鶴千齡早元龜六代春浮雲今可駕滄海

自成塵

振翻凌霜吹正月佇天濶為鑣凌翠壑飛軫控青
岑巖深靈竈沒澗毀石渠沈宮闕雲間近江山物
外臨玉壇棲暮夜珠洞結秋陰蕭蕭離俗影擾擾
望鄉心誰意山遊好屢傷人事侵

三月曲水宴

得煙字

彭澤官初去河陽賦始傳田園歸舊國詩酒間長
筵列室窺丹洞分樓瞰紫煙縈迴亘津渡出沒控
郊鄽鳳琴調上客龍轡儼羣仙松石偏宜古藤蘿

不記年重簷交密樹復磴擁危泉抗石晞南嶺乘
沙眇北川傳巖來築處磻溪入釣前日斜真趣遠
幽思夢涼蟬

五言絕句

晚屆鳳州

寶雞辭舊域仙鳳歷遺墟去此近城闕青山明月
初

羈春

客心千里倦春事一朝歸還傷北園裏重見落花

飛

林塘懷友

芳屏畫春草仙杼織朝霞何如山水路對面即飛
花

山扉夜坐

抱琴開野室携酒對情人林塘花月下別是一家
春

春莊

山中蘭葉徑城外李桃園直知人事靜不覺鳥聲

言終
初唐卷之九

春遊

喧
客念紛無極春淚倍成行今朝花樹下不覺戀年
光

春園

山泉兩處晚花柳一園春還持千日醉共作百年
人

林泉獨飲

丘壑經塗賞花柳遇時春相逢今不醉物色自輕

人

登城春望

物外山川近晴初景靄新芳郊花柳徧何處不宜
春

他鄉敘興

綴葉歸煙晚乘花落照春邊城琴酒處俱是越鄉
人

夜興

野煙含夕渚山月照秋林還將中散興來偶步兵

詩紀

初唐卷之九

共

琴

臨江二首

泛泛東流水飛飛北上塵歸驂將別棹俱是倦遊人
去驂嘶別路歸棹隱寒洲江臯木葉下應想故城秋

江亭夜月送別二首

江送巴南水山橫塞北雲津亭秋月夜誰見泣離羣

亂煙籠碧砌飛月向南端寂寂離亭掩江山此夜寒

別人四首

久客逢餘閏他鄉別故人自然堪下淚誰忍望征塵

江上風煙積山幽雲霧多送君南浦外還望將如何

桂輶初不駐蘭筵幸未開林塘風月賞應待故人來

言終
霜華淨天未霧色籠江際客子常畏人何爲久留
滯

贈李十四四首

野客思茅宇山人愛竹林琴尊唯待處風月自相
尋

小徑偏宜草空庭不厭花平生詩與酒自得會仙
家

亂竹開三逕飛花滿四鄰從來楊子宅別有尚玄
人

風筵調桂軫月徑引藤杯直當花院裏書齋望曉
開

早春野望

江曠春潮白山長曉岫青他鄉臨眺

一作

極花柳

映邊亭

山中

長江悲已滯萬里念將歸况屬高風晚山山黃葉

飛

冬郊行望

詩已

刀喜卷之九

年

言終
桂密巖花白梨疎林葉紅江臯寒望盡歸念斷征蓬

寒夜思友三首

久別侵懷抱他鄉變容色月下調鳴琴相思此何極

雲間征思斷月下歸愁切鴻鴈西南飛如何故人別

朝朝翠山下夜夜蒼江曲復此遙相思清樽湛芳綠

始平晚息

觀闕長安近江山蜀道賒客行朝復夕無處是鄉家

扶風晝屈離京浸遠

帝里金莖去扶風石柱來山川殊未已行路方悠哉

普安建陰題壁

江漢深無極梁岷不可攀山川雲霧裏遊子幾時還

九日

九日重陽節開門有菊花不知來送酒若箇是陶家

七言絕句

帝里金秋江送別二首

早是他鄉值早秋江亭明月帶江流已覺逝川傷
別念復看津樹隱離舟

歸舟歸騎儼成行江南江北互相望誰謂波瀾纒
一水已覺山川是兩鄉

蜀中九日登玄武山旅眺

紀事云玄武山在東蜀勃以檄雞文斥出沛王府既廢客劍南王有遊玄武山詩

九月九日望鄉臺他席他鄉送客杯人今一作已
厭南中苦鴻鴈那從北地來

河陽橋代竇郎中佳人答楊中舍

披風聽鳥長河路臨津織女遙相妬判知秋夕帶
啼還那及春朝携手度

九日見紀事

蘭氣添新酌花香染別衣闕

南康太守酒步香彩保衣

六日

御恩深及春輝謝千吏

好風舞鳥是西望朝事燦文綬琳瑯映快深夕

既屬蘇介實慨中封人答縣中會

楓南中苦點飄飛奔北賦來

六月六日望微臺前雨山隱送客林人今

初唐第九

中六日登及左山

初唐第十

會員人今

唐詩紀十

吳郡黃德水彙編

鄆郡吳瑄校訂

楊炯

文苑傳云華陰人幼聰敏善屬文舉神童為弘文館學士累遷詹事司直則天初坐

祖弟神讓事左遷梓州司法參軍秩滿授盈川令為政嚴酷卒于官炯與王勃盧照鄰駱

賓王以詞賦齊名稱為王楊盧駱炯謂人曰吾愧在盧前耻居王後張說曰楊盈川文思

如懸河注水酌之不竭既優于盧亦不減王耻居王後信然愧在盧前謙也

五言古詩

無主蒼生為問天

奉和上元酺宴應詔

寺已

初唐第九

初唐第十

甲乙遇災年周隋送上弦妖一作星六丈出沴氣

七重懸赤縣空無主蒼生欲問天龜龍開寶命雲

火昭靈慶萬物覩真人千秋逢聖政祖宗玄澤遠

文武休光盛大號域中平皇威天下驚參辰昭文

物宇宙浹聲明漢后三章令周王五伐兵匈奴窮

地角本自遠正朔驕子起天街由來虧禮樂一衣

掃風雨再戰夷屯剝清明日月且蕭索煙雲渙寒

暑既平分陰陽復貞觀惟神諧妙物乃聖符幽贊

下武發禎祥平階屬會昌金泥封日觀壁水匪明

堂業盛勛華德興包天地皇孝思義罔極易禮光

前式天煥三辰輝靈書五雲色敬時窮發歛卜代

盈千億五緯聚華軒重光入望園公卿論至道天

子拜昌言雷解初開出星空即便元瑤臺涼景薦

銀闕秋陰遍百戲騁魚龍千門壯宮殿深仁洽蠻

徼一作愷樂周寰縣宣室召羣臣明庭禮百神仰

德還符日霑恩更似春襄城非牧豎楚國有巴人

廣谿峽

廣谿三峽首曠望兼川陸山路遶羊腸江城鎮魚

腹喬林百丈偃飛水千尋瀑驚浪迴高天盤渦轉
深谷漢氏昔云季中原爭逐鹿天下有英雄襄陽
有龍伏常山集軍旅永安興板築池臺忽已傾邦
家遽淪覆庸才若劉禪忠佐爲心腹設險猶可存
當無賈生哭

巫峽

三峽七百里唯言巫峽長重巖宵不極疊嶂凌蒼
蒼絕壁橫天險莓苔爛錦章入夜分明見無風波
浪狂忠信吾所蹈泛舟亦何傷可以涉砥柱可以

浮呂梁美人今何在靈芝徒有芳山空夜猿嘯征
客淚沾裳

西陵峽

絕壁聳萬仞長波射千里盤薄荆之門滔滔南國
紀楚都昔全盛高丘烜望祀秦兵一旦侵夷陵火
潛起四維不復設關塞良難恃洞庭且忽焉

一作然

孟門終已矣自古天地闢流爲峽中水行旅相贈
言風濤無極已及余踐斯地瓌竒信爲美江山若
有靈千載伸知已

五言律詩

從軍行

烽火照西京心中自不平
牙璋辭鳳闕鐵騎繞龍城
雪暗凋旗畫風多雜鼓聲
寧為百夫長勝作一書生

劉生

卿一作鄉家本六郡年長入三秦
白璧酬知己黃金謝主人
劍鋒生赤電馬足起紅塵
日暮歌鍾發喧喧動四鄰

驄馬

驄馬鐵連錢長安俠少年
帝畿平若水官路直如弦
夜玉粧車軸秋金鑄馬鞭
風霜但自保窮達任皇天

出塞

塞外欲紛紜雌雄猶未分明
堂占氣色華蓋辨星文
二月河魁將三千太乙軍
丈夫皆有志會見一作是立功勳

有所思

言終
賤妾留南楚征夫向北燕
三秋方一日少別比千
年不掩嘔紅縷無論一作能數綠錢
相思明月夜迢遞白雲天

梅花落

窗外一株梅寒花五出開影隨朝日遠香逐便風來
泣對銅鈎障愁看玉鏡臺行人斷消息春恨幾徘徊

折楊柳

邊地遙一作迷無極征人去不還秋容凋翠羽別淚

損紅顏望斷流星驛心馳明月關藁砧何處在楊柳自堪攀

紫騮馬

俠客重周遊金鞭控紫騮蛇弓白羽箭鶴轡赤茸鞅
發跡來南海長鳴向北州匈奴今未滅畫地取封侯

戰城南

塞北途遼遠城南戰苦辛旂一作旛旗如鳥翼甲冑似魚鱗
凍水寒傷馬悲風愁殺人寸心明白日千

言終
里暗黃塵

送臨津房少府

岐路三秋別江津萬里長
煙霞駐征蓋弦奏促飛
觴階樹含斜日池風泛
早涼贈言未終竟流涕
忽霑裳

送豐城王少府

愁結亂如麻長天照落霞
離亭隱喬樹溝水浸平
沙左尉才何屈東關望
漸賒行看轉牛斗持此報
張華

送鄭州周司空

一作司空

漢國臨清渭京城枕濁河
居人下珠淚賓御促驪
歌望極關山遠秋深煙霧多
唯餘三五夕明月暫
經過

送梓州周司功

御溝一相送征馬屢盤桓
言笑方無日離憂獨未
寬舉杯聊勸酒破涕暫爲歡
別後風清夜思君蜀
路難

送楊處士及初卜居曲江

詩紀 夜唐卷之十
鴈門歸去遠垂老脫袈裟蕭寺休爲客一作曹谿相
便寄家綠琪千歲樹黃槿四時花別怨應無限門
前桂水斜

五言排律

途中

悠悠辭鼎邑去去指金墉途路盈千里山川亘百
重風行常有地雲出本多峯鬱鬱園中柳亭亭山
上松客心殊不樂鄉淚獨無從

送劉校書從軍

天將下三宮星門召五戎坐謀資廟略飛檄佇文
雄赤土流星劍烏號明月弓秋陰生蜀道殺氣繞
湟中風雨何年別琴尊此日同離亭不可望溝水
自西東

遊廢觀

青嶂倚丹田荒涼數百年猶知小山桂尚識大羅
天藥敗金爐火苔昏玉女泉歲時無壁畫朝夕有
階煙花柳三春節江山四望懸悠然出塵網從此
狎神仙

和石侍御山莊

煙霞非俗宇

一作累

巖壑只幽居水浸何曾畝荒郊

不復鋤影濃山樹密香淺澤花踈濶塹防斜徑平
堤夾小渠蓮房若箇實竹節幾重虛蕭然隔城市
酌醴焚枯魚

送李庶子致仕還洛

瓜原野煙氛匝關河遊望賒白雲斷巖岫綠草覆
江沙詔賜扶陽宅人榮御史車灞池一相送流涕

向煙霞

早行

敞朗東方徹闌干北斗斜地氣俄成霧天雲漸作
霞河流纔辨馬巖路不容車阡陌經三歲閭閻對
五家露文沾細草風影轉高花日月從來惜關山
猶自賒

和崔司空傷姬人

昔時南浦別鶴怨寶琴弦今日東方至鸞銷珠鏡
前水流銜砌咽月影向窓懸粧匣悽餘粉薰爐滅

詩紀
舊煙晚庭摧玉樹寒帳委金蓮佳人不再得雲日
幾千年

和騫右丞省中暮望

故事閒臺閣仙門藹已深舊章窺複道雲幌肅重
陰玄律葭灰變青陽斗柄臨年光搖樹色春氣繞
蘭心風響高窓度流痕曲岸侵天明一作總樞轄
人鏡辨衣簪日暮南宮靜瑤華振雅音

和酬虢州李司法

脣齒標形勝關河壯邑居寒山抵方伯秋水面鴻

臚君子從遊宦忘情任卷舒風霜下刀筆軒蓋擁
門閭平野芸黃遍長洲鴻鴈初菊花宜泛酒蒲葉
好裁書昔我芝蘭契悠然雲雨踈非君重千里誰
肯惠雙魚

和鄭讐校內省眺矚思鄉懷友

銅門初下辟石館始沈研遊霧千金字飛雲五色
牋樓臺橫紫極城闕俯青田暄入瑤房裏春迴玉
宇前霞文埋落照風物澹歸煙翰墨三餘隙關山
四望懸頽峯睽酌羽流水曠鳴弦雖欣承白雪終

恨隔青天

和旻上人傷果禪師

淨業初中日浮生大小年無人本無我非後亦非
前簫鼓旁喧地龍蛇直映應一作天法門摧棟宇覺
海破舟船書鎮秦王餉經文宋國傳聲華周百億
風烈被三千蕪沒青園寺荒涼紫陌田德音殊未
遠拱木已生煙

和劉侍郎入隆唐觀

福地陰陽合仙都日月開山川臨四險城樹隱三

臺伏檻排雲出飛軒遶澗迴參差凌倒影瀟灑軼
浮埃百果珠爲寶羣峰錦作苔懸蘿暗疑霧瀑布
響成雷方士燒丹液真人泛玉杯還如問桃水更
似得蓬萊漢帝求仙日相如作賦才自然金石奏
何必上天台

和輔先入昊天觀

遁甲爰皇里星占太乙宮天門開奕奕佳氣鬱葱
葱碧落三乾外黃圖四海中邑居環若水城闕抵
新豐玉檻崑崙側金樞地軸東上真朝北斗元始

詠南風漢君祠五帝淮王禮八公道書編一作竹

簡靈液一作藥灌梧桐草茂瓊塔綠花繁寶樹紅石

樓紛似畫地鏡淼如空桑海年應積桃源路不窮

黃軒若有問三月住崆峒

和劉長史答十九兄

帝堯平百姓高祖宅三秦子弟分河岳衣冠動縉

紳盛名恒不隕歷代幾相因街巷塗山曲門閭洛

水濱五龍金作友一子玉為人寶劍豐城氣明珠

魏國珍風標自落落文質且彬彬共許刁一作陶元

亮同推周伯仁石城俯天闕鍾阜對江津驥足方

遐騁狼心獨未馴鼓鼙鳴九域風火集重圍城勢

餘三板兵威乏四鄰居然混玉石直置保松筠耿

介酬天子危言數賊臣鍾儀琴未奏蘇武節猶新

受祿寧辭死揚名不顧身精誠動天地忠義感明

神怪鳥俄垂翼脩蛇竟暴鱗來朝拜休命述職下

梁岷善政馳金馬嘉聲繞玉輪三荆忽有贈四海

更相親宮徵諧鳴石光輝掩燭銀山川遙滿目零

露坐沾巾友愛光天下恩波浹後塵懦夫仰高節

下里繼陽春

五言絕句

夜送趙縱

趙氏連城壁由來天下傳送君還舊府明月滿前

川

初唐第十

初唐第十一

唐詩紀十一

吳郡黃德水彙編

鄞郡吳 瑄校訂

盧照隣

文苑傳云字昇之范陽人博學善屬文初授鄧王府典籤王甚愛之謂人曰此

吾之相如也後拜新都尉因染風疾去官處
太白山中以服餌為事後疾轉篤徙居具茨
山沈痼孳廢不堪其苦與親友執別投賴水
死。紀事云照隣居具茨山下自以為高宗
尚吏已獨儒武后尚法已獨黃老后封
嵩山屢聘賢士已獨廢著五悲以自明

五言古詩

詠史四首

季生昔未達身辱功不成髡鉗爲臺隸灌園變姓名幸逢滕將軍兼遇曹丘生漢祖廣招納一朝拜公卿百金孰云重一諾良匪輕廷議斬樊噲群公寂無聲處身孤且直遭時坦而平丈夫當如此唯唯何足榮

大漢昔云季小人道遂振玉帛委奄尹斧鑕嬰縉紳邈哉郭先生卷舒得其真雍容謝朝廷談笑獎人倫在晦不絕俗處亂不爲親諸侯不得友天子不得臣冲情甄負甌重價折角巾悠悠天下士相

送洛橋津誰知仙舟上寂寂無四隣

公業負竒志交結盡才雄良田四百頃所食常不充一爲侍御史慷慨說何公公何公何爲敗吾謀適不同仲穎恣殘忍廢興良在躬死人如亂麻天子如轉蓬干戈及黃屋荆棘生紫宮鄭生運其謀將以清國戎時來命不遂脫身歸山東凜凜千載下穆然懷清風

昔有平陵男姓朱名阿游直髮上衝冠壯氣橫三秋願得斬馬劍先斷佞臣頭天子玉檻折將軍丹

血流捐生不肯拜視死其若休歸來教鄉里童蒙
遠相求弟子數百人散在十二州三公不敢吏五
鹿何能酬名與日月懸義與天壤儔何必疲執戟
區區在封侯偉哉曠達士知命固不憂

結客少年場行

長安重遊俠洛陽富才雄玉劍浮雲騎金鞭明月
弓鬪雞過渭北走馬向關東孫賓遙見待郭解暗
相通不受千金爵誰論萬里功將軍下天上虜騎
入雲中烽火夜似月兵氣曉成虹橫行狗知已負

羽遠從戎龍旌昏朔霧鳥陣捲胡風追奔瀚海咽
戰罷陰山空歸來謝天子何如馬上翁

贈李榮道士

錦節銜天使瓊仙駕羽君投金翠山曲奠壁清江
潰圓洞開丹鼎方壇聚絳雲寶一作資 祝幽難識空
歌迴易分風搖十洲影日亂九江文敷誠歸上帝
應詔在疑作佐 明君獨有南冠客耿耿泣離羣遙看
八會所真氣曉氤氳

早度分水嶺

丁年遊蜀道斑鬢向長安徒費周王粟空彈漢吏
冠馬蹄穿欲盡貂裘敝一作轉寒層冰橫九折積
石凌七盤重谿旣下漱峻峯亦上千隴頭聞戍鼓
嶺外咽飛湍瑟瑟松風急蒼蒼山月團傳語後來
者斯路誠獨難

三月曲水宴

得樽字

風煙彭澤里山水仲長園由來棄銅墨本自重琴
樽高情邈不嗣雅道今復存有美光時彥養德坐
山樊門開芳杜逕室距桃花源公子黃金勒仙人

紫氣軒長懷去城市高詠狎蘭蓀連沙飛白鷺孤
嶼嘯玄猿日影巖前落雲花江上翻興闌車馬散
林塘夕鳥喧

奉使益州至長安發鍾陽驛

躋險方未夷乘春聊騁望落花赴丹谷奔流下青
嶂歲蕤曉樹滋滉瀼春江漲平川看釣侶狹逕聞
樵唱蝶戲綠苔前鶯歌白雲上耳目多異賞風煙
有奇狀峻阻將長城高標吞巨舫聯翩事羈勒辛
苦勞疲恙夕濟幾潺湲晨登每惆悵誰念復芻狗

山河獨偏喪

和王奭秋夜有所思

寂寂南軒夜悠然懷所知長河落鴈苑明月下鯨
池鳳臺有清曲此曲何人吹丹唇間玉齒妙響入
雲涯窮巷秋風葉空庭寒露枝勞歌欲有和星鬢
已將垂

望宅中樹有所思

我家有庭樹秋葉正離離上舞雙棲鳥中秀合歡
枝勞思復勞望相見不相知何當共攀折歌笑此

堂垂

宿晉安寺

聞有弦歌地穿鑿本多竒遊人試一覽臨翫果忘
疲窓橫暮捲一作落葉簷卧古生枝舊石開紅蘚新
荷覆綠池孤猿稍斷絕宿一作百鳥復參差汎灩月
華曉徘徊星鬢垂今日刪書客悽惶君詎知

于時春也慨然有江湖之思寄贈柳九隴

提琴一萬里負書三十年晨攀偃蹇樹暮宿清泠
泉翔禽鳴我側旅獸過我前無人且無事獨酌還

獨眠遙聞彭澤宰高弄武城弦形骸寄文墨意氣
託神仙我有壺中要題爲物外篇將以貽好道道
遠莫致旃相思勞日夜相望阻風煙坐惜春華晚
徒令客思懸水去東南地氣凝西北天關山悲蜀
道花鳥憶秦川天子何時問公卿本亦憐自哀還
自樂歸數復歸田海屋銀爲棟雲車電作鞭倘遇
鸞將鶴誰論貂與蟬萊洲頻度淺桃實幾成圓寄
言飛鳧舄歲晏共聯翩

至望喜矚目言懷貽劍外知己

聖圖夷九折神化掩三分緘愁赴蜀道題拙奉虞
薰隱麟度深谷遙裊上高雲碧流遞縈注青山互
糾紛澗松咽風緒巖花濯露文思北常依馭圖南
每喪羣世本無以上四句無由召宣室何以答吾君

赤谷安禪師塔

獨坐巖之曲悠然無俗氛酌酒呈丹桂思詩贈白
雲煙霞朝晚聚猿鳥歲時聞水華競秋色山翠含
夕曛高談十二部細覈五千文如如數冥昧生生
理氛氲古人有糟粕輪扁情未分且當事芝朮從

吾所好云

贈益府裴錄事

忽忽歲云暮相望限風煙長歌欲對酒危坐遂停
弦停弦變霜露對酒懷朋故朝看桂蟾晚夜聞鴻
鴈度鴻度何時還桂晚不同攀浮雲映丹壑明月
滿青山青山雲路深丹壑月華臨耿耿離憂積空
令星鬢侵

贈益府羣官

一鳥自北燕飛來向西蜀單棲劍門上獨舞崑

一作

岷

山足昂藏多古貌哀怨有新曲羣鳳從之遊問
之何所欲答言寒鄉子飄颻萬餘里不息惡木枝
不飲盜泉水常思稻梁遇願棲梧桐樹智者不我
邀愚夫余不顧所以成獨立耿耿歲云暮日夕苦
風霜思歸赴洛陽羽翮毛衣短關山道路長明月
流客思白雲迷故鄉誰能借風便一舉凌蒼蒼

七言古詩

失羣鴈

并序

溫縣明府以鴈詩垂示余以爲古之郎官出宰

百里今之墨綬入應千官事止鴈行未宜傷歎
至如羸卧空巖者乃可爲失羣慟耳聊因伏枕
多暇以斯文應之

三秋北地雪皚皚萬里南翔渡海來欲隨石燕沈
湘水試逐銅烏繞帝臺帝臺銀闕距金塘中間鷓
鷺已成行先過上苑傳書信暫下中洲戲稻梁虞
人負繳來相及齊客虛弓忽見傷毛翎頻頓一作
顛頓
飛無力羽翮摧頽君不識唯有莊周解愛鳴復道
郊歌重竒色惆悵驚思悲未已徘徊自憐中罔極

傳聞有鳥集朝陽詎勝仙鳧邇帝鄉雲間海上應
鳴舞遠得鴟弦猶獨撫金龜全寫中牟印玉鵠當
變萊蕪釜願君弄影鳳皇池時憶籠中摧折羽

行路難

君不見長安城北渭橋邊枯木橫槎卧古田昔日
含紅復含紫常時留霧亦留煙春景春風花似雪
香車玉輦恒闐咽若箇遊人童一作不競攀若箇娼
家不來折娼家寶袜蛟龍帔公子銀鞍千萬騎黃
鶯一一向花嬌青鳥雙雙將子戲千尺長條百尺

枝月桂星榆相蔽虧珊瑚葉上鴛鴦鳥鳳皇巢裏
雛鷓兒巢傾枝折鳳歸去條枯葉落任風吹一朝
憔悴無人問萬古摧殘君詎知人生貴賤無終始
倏忽須臾難久恃誰家能駐西山日誰家能堰東
流水漢家陵樹滿秦川行來行去盡哀憐自昔公
卿二千石咸擬榮華一萬年不見朱唇將白一作玉
貌唯聞青棘與黃泉金貂有時須換酒玉塵恒搖
莫計錢寄言坐客神仙署一生一死交情處蒼龍
闕下君不留白鶴山頭我應去雲間海上邈難期

赤心會合在何時但願堯年一百萬長作巢由也
不辭

長安古意

長安大道連狹斜青牛白馬七香車玉輦縱橫過
主第金鞭絡繹向侯家龍銜寶蓋承朝日鳳吐流
蘇帶晚霞百丈遊絲爭繞樹一羣嬌鳥共啼花啼
花戲蝶千門側碧樹銀臺萬種色複道交牕作合
歡雙闕連甍垂鳳翼梁家畫閣天中起漢帝金莖
雲外直樓前相望不相知陌上相逢詎相識借問

吹簫向紫煙曾經學舞度芳年得成比目何辭死
願作鴛鴦不羨仙比目鴛鴦真可羨雙去雙來君
不見生憎帳額繡孤鸞好取門簾帖雙燕雙燕雙
飛繞畫梁羅幃翠被鬱金香片片行雲着蟬鬢纖
纖初月上鴉黃鴉黃粉白車中出含嬌含態情非
一妖童寶馬鐵連錢娼婦盤龍金屈膝御史府中
烏夜啼廷尉門前雀欲棲隱隱朱城臨玉道遙遙
翠幃沒金堤挾彈飛鷹杜陵北探丸借客渭橋西
俱邀俠客芙蓉劍共宿娼家桃李蹊娼家日暮紫

羅裙清歌一轉口氛氲北堂夜夜人如月南陌朝
朝騎似雲南陌北堂連北里五劇三條控三市弱
柳青槐拂地垂佳氣紅塵暗天起漢代金吾千騎
來翡翠屠蘇鸚鵡杯羅襦寶帶爲君解燕歌趙舞
爲君開別有豪華稱將相轉日回天不相讓意氣
由來排灌夫專權判不容蕭相專權意氣本豪雄
青虬紫燕坐春一作生風自言歌舞長千載自謂驕
奢凌五公節物風光不相待桑田碧海須臾改昔
時金階白玉堂即今惟見青松在寂寂寥寥楊子

詩經
卷之十一
居年年歲歲一牀書獨有南山桂花發飛來飛去
襲人裾

騷體

明月引

洞庭波起兮鴻鴈翔風瑟瑟兮野蒼蒼浮雲捲靄
明月流光荆南兮趙北碣石兮瀟湘澄清規於萬
里照離思於千行橫桂枝於西第繞菱花於北堂
高樓思婦飛蓋君王文姬絕域侍子他鄉見胡鞍
之似練知漢劍之如霜試登高而騁一作極目莫不

變而迴腸

獄中學騷體

夫何秋夜之無情兮皎晶悠悠而太長園戶杳其
幽邃兮愁人披此嚴霜見河漢之西落聞鴻鴈之
南翔山有桂兮桂有芳心思君兮君不將憂與憂
兮相積歡與歡兮兩忘風嫋嫋兮木紛紛凋綠葉
兮吹白雲寸步千里兮不相聞思公子兮今日將曛
林已暮兮鳥羣飛重門掩兮人逕稀萬族皆有所
托兮蹇獨淹留而不歸

懷仙引

若有人兮山之曲駕青虬兮乘白鹿往從之遊願
心足披澗戶訪巖軒石瀨潺湲橫石徑松蘿羃歷
掩松門下空濛而無鳥上巉巖而有猿懷飛閣度
飛梁休余馬於幽谷掛余冠於夕陽曲復曲兮煙
莊邃行復行兮天路長脩途杳其未半飛雨忽以
茫茫山塊軋磴連寒攀石壁而無據泝泥谿而不
前向無情之白日竊有恨於皇天廻行遵故道通
川遍流潦廻首望羣峰白雲一作雪正溶溶珠爲闕

今玉爲樓青雲蓋兮紫霜表天長地久時相憶千
齡萬代一來遊

初唐第十一

初唐第十二

唐詩紀十二

吳郡黃德水彙編

鄞郡吳瑄校訂

盧照隣二

五言律詩

劉生

劉生氣不平抱劍欲專征報恩為豪俠死難在橫

行翠羽裝劍

一作

鞘黃金鏤

飾一作

馬纓但令一顧

重不恡百身輕

隴頭水

隴阪高無極，征人一望鄉。
關河別去水，沙塞斷歸腸。
馬繫千年樹，旌懸九月霜。
從來共嗚咽，皆是爲勤王。

巫山高

巫山望不極，望望下朝氛。
莫辨啼猿樹，徒看神女雲。
驚濤亂水脈，驟雨暗峰文。
霑裳即此地，况復遠思君。

芳樹

芳樹本多奇，年華復在斯。
結翠成新幄，開紅滿故枝。
風歸花歷亂，日度影參差。
容色朝朝落，思君君不知。

雨雪曲

虜騎三秋入，關雲萬里平。
雪似胡沙暗，冰如漢月明。
高闕銀爲闕，長城玉作城。
節旄零落盡，天子不知名。

昭君怨

合殿恩中絕，交河使漸稀。
肝腸隨玉輦，形影向金

微漢地一作宮草應綠胡庭沙正飛願逐三秋鴈年一度歸

折楊柳

倡樓啓曙扉楊柳正依依鶯啼知歲隔條變識春歸露葉凝秋黛風花亂一作落舞衣攀折將安寄軍中音信稀

梅花落

梅院一作嶺花初發天山雪未開雪處疑花滿花邊似雪迴因風入舞袖雜粉向粧臺匈奴幾萬里春

至不知來

關山月

塞垣通碣石虜障抵祈連相思在萬里明月正孤一作不長懸影移金岫北光斷玉門前寄言閨一作書謝中婦時一作愁看鴻鴈天

上之回

回中道路險蕭關烽候多五營屯北一作右地萬乘出西河單于拜玉璽天子按雕戈振旅汾川曲秋風橫大歌

紫駟馬

駟馬照金鞍轉戰入皋蘭塞門風稍急長城水正
寒雪暗鳴珂重一作易山長噴玉難不辭橫絕漠流
血幾時乾

戰城南

將軍出紫塞冒頓在烏貪笳喧鴈門北陣翼龍城
南琯弓夜宛轉鐵騎曉驂驪應須駐白日爲待戰
方酣

十五夜觀燈

錦里開芳宴蘭缸艷早年縵彩遙分地繁光遠綴
天接漢疑星落依樓似月懸別有千金笑來映九
枝前

入秦川界

隴阪長無極蒼山望不窮石逕縈疑斷回流映似
空花開綠野霧鶯轉紫巖風春芳勿遽盡留賞故
人同

文翁講堂

錦里淹中館岷山稷下亭空梁無燕雀古壁有丹

詩紀
初唐卷之十三
青槐落猶疑市苔深不辨銘良哉二千石江漢表
遺靈

相如琴臺

聞有雍容地千年無四隣園院風煙古池臺松檟
春雲疑作賦客月似聽琴人寂寂啼鶯處空傷遊
子神

石鏡寺

古墓芙蓉塔神銘松栢煙鸞沈仙鏡底花沒梵輪
前銖衣千古佛寶月兩重圓隱隱香臺夜鍾聲徹

九天

辛法司宅觀妓

南國佳人至北堂羅薦開長裙隨鳳管促柱送鸞
杯雲光身後落雪態掌中迴到愁金谷晚不怪玉
山頽

春晚山莊率題二首

顧步三春晚田園四望通遊絲橫惹樹戲蝶亂依
叢竹懶偏宜水花狂不待風唯餘詩酒意當了一
生中

田家無四隣獨坐一園春鶯啼非選樹魚戲不驚
綸山水彈琴盡風花酌酒頻年華已可樂高興復
留人

江中望月

江水向涔陽澄澄寫月光鏡圓珠溜澈弦滿箭波
長沈鈎搖兔影浮桂動丹芳延照相思夕千里共
霑裳

元日述懷

筮仕無中秩歸耕有外臣人歌小歲酒花舞大唐

春草色迷三徑風光動四隣願得長如此年年物
候新

益州城西張超亭觀妓

落日明歌席行雲逐舞人江前飛暮雨梁上下輕
塵冶服看疑畫粧樓望似春高車勿遽返長袖欲
相親

還京贈別

風月清江夜山水白雲朝萬里同爲客三秋契不
凋戲鳧分斷岸歸騎別高標一去仙橋道還望錦

詩經
卷之二十一
城遙

至陳倉曉晴望京邑

拂曙驅飛傳初晴帶曉涼霧斂長安樹雲歸仙帝
鄉澗流漂素沫巘景靄朱光今朝好風色延瞰極
天莊

晚渡滹沱敬贈魏大

津谷朝行遠冰川夕望曛霞明深淺浪風卷去來
雲澄波泛月影激浪聚沙文誰忍仙舟上携手獨
思君

和吳侍御被使燕然

春歸龍塞北騎指鴈門垂胡笳折楊柳漢使採燕

一作支戍城聊一望花雪幾參差關山有新曲應

向笛中吹

七夕泛舟二首

河葭肅徂暑江樹起初涼水疑通織室舟似泛仙
潢連橈渡急響鳴棹下浮光日晚菱歌唱風煙滿
夕陽

風杼秋期至鳧舟野望開微吟翠塘側延想白雲

言終
限石似支機罷槎疑犯宿來天潢殊漫漫日暮獨
悠哉

送梓州高參軍還京
京洛風塵遠衰斜煙霧深北遊君似智南飛我異
禽別路琴聲斷秋山猿鳥吟一垂青巖酌空佇白
雲心中知

大劍送別劉右史

金碧禺山遠關梁蜀道難相逢屬晚歲相送動征
鞍地咽綿川冷雲凝劍閣寒倘遇忠孝所爲道憶

長安

五言排律

同臨津紀明府孤鴈

三秋違北地萬里向南翔河洲花稍白關塞葉初
黃避繳風霜勁懷書道路長水流疑箭動月照似
弓傷橫天無有陣度海不成行會刷能鳴羽還赴
上林鄉

西使兼送孟學士南遊

地道巴陵北天山弱水東相看萬餘里共倚一征

蓬零雨悲王粲清樽別孔融徘徊聞夜鶴悵望待
秋鴻骨肉胡秦外風塵關塞中唯餘劍鋒在耿耿
氣成虹

送鄭司倉入蜀

離人丹水北遊客錦城東別意還無已離憂自不
窮隴雲朝結陣江月夜臨空關塞疲征馬霜氛落
早鴻潘年三十外蜀道五千中送君秋水曲酌酒
對秋風

綿州官池贈別

同賦
灣字

輶軒遵上國仙珮一作氣下靈關樽酒方無地聯綬
喜暫攀離言欲贈策高辯正連環野逕浮雲斷荒
池春草班殘花落古樹度鳥入澄灣欲敘他鄉別
幽谷有綿蠻

還赴蜀中貽示京邑遊好

藥宿花初滿章臺柳向一作尚飛如何正此日還望
昔多違悵別風期阻將垂雲會稀斂衽辭丹闕懸
旗陟翠微野禽喧戍鼓春草變征衣回顧長安道
關山起夕霏

初夏日幽莊

聞有高蹤客耿介坐幽莊林壑人事少風煙鳥路
長瀑水含秋氣垂藤引夏涼苗深全覆隴荷上半
侵塘釣渚青鳧沒村田白鷺翔知君振竒藻還嗣
海隅芳

山莊休沐

蘭署乘閒日蓬扉狎遁棲龍柯踈玉井鳳葉下金
堤川光搖水箭山氣上雲梯亭幽聞唳鶴窻曉聽
鳴雞玉軫臨風奏瓊漿映月携田家自有樂誰肯

謝青谿

山林休日田家

歸休乘暇日鎰稼返秋場徑草疏王篲巖枝落帝
桑耕田虞訟寢鑿井漢機忘戎葵朝委露齊棗夜
含霜南澗泉初冽東籬菊正芳還思北窓下高卧
偃羲皇

宴梓州南亭

得池字

二條開勝跡大隱叶冲規亭閣分危岫樓臺遶曲
池長薄秋煙起飛梁古蔓垂水鳥翻荷葉山蟲咬

詩紀 卷之十二
一作 桂枝遊人惜將晚公子愛忘疲願得迴三舍
交 琴樽長若斯

山行寄劉李二參軍

萬里煙塵客三春桃李時事去紛無限愁來不自
持狂歌欲歎鳳失路及占龜草礙人行緩花繁鳥
度遲彼美參卿事留連求友詩安知倦遊子兩鬢
漸如絲

首春貽京邑文士

寂寂罷將迎門無車馬聲橫琴答山水披卷閱公

卿忽聞歲云晏倚杖出簷楹寒辭楊柳陌春滿鳳
皇城梅花扶院吐蘭葉繞階生覽鏡改容色藏書
留姓名時來不假問生死任交情

贈許左丞從駕萬年宮

聞道上之回詔蹕下蓬萊中樞移北斗左轄去南
臺黃山聞鳳笛清蹕侍龍媒曳日朱旗捲參雲金
障開朝參五城柳夕宴栢梁杯漢時光如月秦祠
聽似雷寂寂芸香閣離思獨悠哉

晚渡渭橋寄示京邑遊好

詩經 卷之三
我行背城闕驅馬獨悠悠寒落百年事徘徊萬里
憂途遙日向夕時晚鬢將秋滔滔俯東逝耿耿泣
西浮長虹掩釣浦落鴈下星洲草變黃山曲花飛
清渭流迸水驚愁鷺騰沙起狎鷗一赴清泥道空
思玄灞遊

羈卧山中

卧壑迷時代行歌任死生紅顏意氣盡白壁故交
輕澗戶無人跡山窻聽鳥聲春色緣巖上寒光入
溜平雪盡松帷暗雲開石路明夜伴饑鼯宿朝隨

馴雉行度谿猶憶處尋洞不知名紫書常日閱丹
藥幾年成扣鍾鳴天鼓燒香厭地精倘遇浮丘鶴
飄飄凌太清

酬張少府柬之

昔余與夫子相遇漢川陰珠浦龍猶卧檀谿馬正
沈價重瑤山曲詞驚丹鳳林十年睽賞慰萬里隔
招尋毫翰風期阻荆衡雲路深鵬飛俱望昔蠖屈
共悲今誰謂青衣道還歎白頭吟地接神僊礪江
連雲雨岑飛泉如散玉落日似懸金重以瑤華贈

言終
不居卷之三
空懷舞詠心

過東山谷口

不知名利險辛苦滯皇州始覺飛塵倦歸來事綠
疇桃源迷處所桂樹可淹留跡異人間俗禽同海
上鷗古苔依井被新乳傍崖流野老堪成鶴山神
或化鳩泉鳴碧澗底花落紫巖幽日暮食龜殼天
寒御鹿裘不辨秦將漢寧知春與秋多謝青谿客
去去赤松遊

送幽州陳參軍赴任寄呈鄉曲父老

薊北三千里關西二十年馮唐猶在漢樂毅不歸
燕人同黃鶴遠鄉共白雲連郭隗池臺處昭王樽
酒前故人當已老舊壑幾成田紅顏如昨日衰鬢
似秋天西蜀橋應毀東周石尚全灞池水猶綠榆
關月早圓塞雲初上鴈庭樹欲銷蟬送君之舊國
揮淚獨潸然

哭金部韋郎中

金曹初受拜玉地始含香翻同五日尹遽見一星
亡賀客猶扶路哀人遂上堂歌筵長寂寂哭位自

詩紀
初唐卷之十二
三
蒼蒼歲時賓徑斷朝暮雀羅張書留魏主閣魂掩
漢家牀徒令永平帝千載罷撞郎

哭明堂裴簿

締歡三十載通家數百年潘楊稱代穆秦晉忝姻
連風雲洛陽道花月茂陵田相悲共相樂交騎復
交筵始謂調金鼎如何掩玉泉黃公酒壚處青眼
竹林前故琴無復雪新樹但生煙遽痛蘭襟斷徒
令寶劍懸客散同秋葉人亡似夜川送君一長慟
松臺路幾千

同崔錄事哭鄭員外

文學秋天遠郎官星位尊伊人表時彥飛譽滿司
存楚席光文雅瑤山侍討論鳳詞凌漢閣龜辯罩
周圍已陪東嶽駕將逝北溟鯤如何萬化盡空嘆
九飛魂白馬西京驛青松北海門夜臺無曉箭朝
奠有虛尊一代儒風沒千年隴霧昏梁山送夫子
湘水弔王孫僕本多悲淚沾裳不待猿聞君絕弦
曲吞恨更無言

五言絕句

登玉清

絕頂橫臨日孤峯半倚天徘徊拜真老萬里見風
烟

曲池荷

浮香繞曲岸圓影覆華池常恐秋風早飄零君不
知

浴浪鳥

獨舞依磐石羣飛動輕浪奮迅碧沙前長懷白雲
上

臨塔竹

封霜連錦砌防露拂瑤堦聊將儀鳳質暫與俗人
諧

含風蟬

高情臨爽月急響送秋風獨有危冠意還將衰鬢
同

葭川獨泛

倚棹春江上橫舟石岸前山暝行人斷迢迢獨泛
仙

送二兄入蜀

關山客子路花柳帝王城此中一分手相顧憐無聲

宿玄武二首

方池開曉色圓月下秋陰已乘千里興還撫一弦琴

庭搖北風柳院繞南溟禽累宿恩方重窮秋歎不深

九隴津集

落落樹陰紫澄澄水華碧復有翻飛禽徘徊疑曳鳥

遊昌化山精舍

寶地乘峯出香臺接漢高稍覺真途近方知人事勞

七言絕句

登封大酺歌四首

明君封禪日重光天子垂衣曆數長九州四海常無事萬歲千秋樂未央

詩紀 初唐卷之十三
日觀仙雲隨鳳輦天門瑞雪照龍衣繁弦綺席方
終夜妙舞清歌歡未歸

翠鳳逶迤登介丘仙鶴徘徊天上遊借問乾封何
所樂人皆壽命得千秋

千年聖主應昌期萬國淳風王化基請比上古無
為代何如今日太平時

九月九日登玄武山旅眺

九月九日眺山川歸心歸望積風煙他鄉共酌金
花一作酒萬里同悲鴻鴈天

初唐第十二

初唐第十三

唐詩紀十三

吳郡黃德水彙編

鄞郡吳 瑄校訂

駱賓王

文苑傳云賓王少善屬文尤妙于五言

詩嘗作帝京篇當時以為絕唱然落魄
無行好與博徒遊高宗末為長安主簿坐賊
左遷臨海丞怏怏失志棄官去後與徐敬業
作亂事敗伏誅。紀事云徐敬業亂於揚州
以賓王為府屬代敬業為檄武后讀至一杯
之士未乾六尺之孤安在矍然曰誰為之或
以賓王對后曰宰相安得失此人敬業敗亡
命不知所終中宗時
詔求其文得數百篇

五言古詩

夏日遊德州贈高四

并序

夫在心為志發言為詩詩有不得盡言言有不
 得盡意僕少負不羈長逾虛誕讀書頗存涉獵
 學劍不待窮工進不能矯翰龍雲退不能棲神
 豹霧撫循諸已深覺勞生而太夫人在堂義須
 捧檄固仰長安而就日起帝鄉以望雲雖文闕
 三冬而書勞十上嗟乎入門自媚誰相謂言致
 使君門隔於九重中堂遠於千里既而交非得
 兔路是亡羊敬止弊廬竭來初服遂得載披玉

葉欵洽金蘭傾意氣於一言締風期於千祀雖
 交因氣合資得意以敦交道契言忘少寄言而
 筌道是以輕投木李以代踈麻章句繁蕪心神
 媿慙庶瞻雅韻竚辱報章則覬耀連星開龍文
 於劍匣素輝虧月頻驪頷於珠胎云爾

日觀鄰全趙星臨俯舊吳隔津開巨浸稽阜鎮名
 都紫雲浮劍匣青山孕寶符封疆恢霸道問鼎競
 雄圖神光包四大皇威震八區風煙通地軸星象
 正天樞天樞限南北地軸殊鄉國闢門通舜賓比

言終
不居卷之三
屋封堯德言謝垂釣隱來參負鼎職天子不見知
羣公詎相識未展從東駿空戢圖南翼時命欲何
言撫膺長歎息歎息將如何遊人意氣多白雪一作
雲梁山曲寒風易水歌泣魏傷吳起思趙切廉頗
淒斷韓王劍生死翟公羅羅起翟公意劍負韓王
氣驕餌去易論忌途良可畏夙昔懷江海平生混
涇渭千載契風雲一言忘賤貴去去訪林泉空谷
有遺賢言投爵里刺來泛野人船締交君贈縞投
分我忘筌成風郢匠斲流水伯牙弦牙弦忘道術

漳濱恣閑逸聊安張蔚廬詎掃陳蕃室虛室狎招
尋敬愛混浮沈一諾黃金信三復白珪心霜松貞
雅節月桂朗冲襟靈臺萬頃濬學府九流深談玄
明毀壁拾紫陋籬金鷺濤開碧海鳳彩綴詞林林
虛星華映水澈霞光淨霞水兩分紅川源四望通
霧捲天山靜煙銷太史空鳥聲流迴薄蝶影亂芳
叢柳陰低塹水荷氣上薰風風月芳菲節物華紛
可悅將歡促席賞遽爾又歸別積水帶吳門通波
連禹穴贈言雖欲盡機心庶應絕潘岳本自閑梁

鴻不因熱一飄欣狎遁三月聊棲拙棲拙隱金華
狎遁訪仙查放曠愚公谷消散野人家一頃南山
豆五色東陵瓜野衣裁薜葉山酒酌藤花白雲離
望遠青谿隱路賒儻憶幽巖桂猶異折踈麻

在江南贈宋五之問

井絡雙源濬潯陽九派長淪波通地穴輸委下歸
塘別島籠朝蜃連洲擁夕漲韞珠澄積潤讓壁動
浮光浮光凝折水積潤踈圓沚玉輪涵地開劍匣
連星起風煙標迴秀英靈信多美懷德踐遺芳端

操慙謀已謀已謬觀光牽迹強恓惶揆拙迷三省
勞生昧兩忘彈隨空被

歛

一作笑獻楚自多傷一朝

殊默語千里易炎涼炎涼幾遷貿川陸疲臻湊積
水架吳濤連山橫楚岫風月雖殊昔星河猶是舊
姑蘇望南浦邯鄲通北走北走平生親南浦別離
津瀟湘一超忽洞庭多苦辛秋江無綠芷寒汀有
白蘋采之將何遺故人漳水濱漳濱已遼遠江潭
未旋返爲聽短歌行當想長洲苑露金薰菊岸風
珮搖蘭坂蟬鳴稻葉秋鴈起蘆花晚晚秋雲日明

亭臯風露

一作霧

清獨負平生氣重牽搖落情占星

非聚德夢月詎懸名寂寥傷楚奏淒斷泣秦聲秦

聲懷舊里楚奏悲無已郢路少知音叢臺富奇士

溫輝凌愛日壯氣驚寒水一顧重風雲三冬足文

史文史盛紛綸京洛多風塵猶輕五車富未重一

囊貧李仙非

一作悲

易託蘇鬼尚

一作曲

難因不惜勞

歌盡誰為聽陽春

北眺春陵

攬轡疲宵邁驅馬倦晨興既出封泥谷還過避雨

陵山明行照上谿宿密雲蒸登高徒欲賦詞殫獨

撫膺

夏日遊目聊作

暫屏塵囂累言尋物外情致逸心逾默神幽體自

輕浦夏荷香蒲田秋麥氣清詎假滄浪上將濯楚

臣纓

叙寄負半千

薄宦三河道自負十餘年不應驚若厲祇為直如

弦坐歷山川險吁嗟陵谷遷長吟空抱膝短翮詎

寺已

初唐卷之十三

五

冲天魂歸滄海上望斷白雲前釣名勞拾紫隱迹
自談玄不學多能聖徒思鴻寶仙斯志良難已此
道豈徒然嗟爲刀筆吏耻從繩墨牽岐路情雖狎
人倫地本偏長揖謝時事獨往訪林泉寄言二三
子生死不來旋

詠懷古意上裴侍郎

三十二餘罷髮是潘安仁四十九仍入年非朱買
臣縱橫愁繫越坎塹倦遊秦出籠窮短翮委轍涸
枯鱗 不需用彈鋏欲誰申天子未驅策歲月

幾沈淪輕生長慷慨效死獨殷勤徒歌易水客空
老渭川人一得視邊塞萬里何苦辛劍匣胡霜影
弓開漢月輪金刀一作方動秋色鐵騎想風塵爲國
堅誠欸捐軀忘賤貧勒功思比憲決略暗欺陳若
不犯霜雪虛擲玉京春

七言古詩

行軍中行路難

同辛常伯作

君不見玉關塵色暗邊庭銅鞮雜虜寇長城天子
按劍徵餘勇將軍受脰事橫行七德龍韜開玉帳

千重

一作里

龜壘

一作鼉鼓

動

一作壘

金鉦陰山苦霧埋高

壘交河孤月照連營連營去去無窮極擁旆遥遥

過絕國陣雲朝結晦天山寒沙夕漲迷踈勒龍鱗

水上開魚貫馬首山前振鵬翼長驅萬里讐祁連

分麾三令武功宣百發烏號遙碎柳七尺龍文迴

照蓮春來秋去移灰琯蘭閨柳市芳塵斷鴈門迢

遞尺書稀鴛鴦被相思雙帶緩行路難行路難

一本無此

三誓令氛祲靜皋蘭但使封侯龍額貴詎隨中婦

鳳樓寒

帝京篇

山河千里國城闕九重門不覩皇居壯安知天子

尊皇居帝里峭函谷鶉野龍山侯甸服五緯連影

集星躔八水分流橫地軸秦塞重關一百二漢家

離宮三十六桂殿欽

一作陰

峯對玉樓椒房窈窕連

金屋三條九陌麗城隈萬戶千門平旦開複道斜

通鳩鵲觀交衢直指鳳皇臺劍履南宮入簪纓北

闕來聲明冠寰宇文物象昭回鈎陳肅蘭祀璧沼

浮槐市銅羽

一作雀

應風迴金莖承露起校文天祿

詩已

初唐卷之三

三

閣習戰昆明水朱邸抗平臺黃扉通戚里平臺戚
 里帶崇墉炊金饌玉待鳴鍾小堂綺帳三千戶大
 道青樓十二重寶蓋雕鞍金絡馬蘭窓繡柱玉盤
 龍繡柱璇題粉一作彩壁映鏘金鳴玉王侯盛王侯
 貴人多近臣朝遊北里暮南鄰陸賈分金將燕喜
 陳遵投轄正一作尚留賓趙李經過密蕭朱交結親
 丹鳳朱城白日暮青牛紺幘紅塵度俠客珠彈垂
 楊道倡婦銀鈎采桑路倡家桃李自芳菲京華遊
 俠盛輕肥延年女弟雙飛入羅敷使君千騎歸同

心結縷帶連理織成衣春朝桂樽樽百味秋夜蘭

燈燈九微翠幌珠簾不獨映清歌寶瑟自相依且

論三萬六千一作八千金是寧知四十九年非古來榮

利若浮雲人生倚伏信難分始見田實相傾一作移

奪俄聞衛霍有功勳未厭金陵氣先開石槨文朱

門無復張公子灞亭誰畏李將軍相顧百齡皆有

待居然萬化成應改桂枝芳氣已銷亡栢梁高宴

今何在春去春來苦自馳爭名爭利徒爾為久留

郎署終難遇空掃相門誰見知當時一旦擅豪華

自言千載長驕奢倏忽搏風生羽翼須臾失浪委

泥沙黃雀一作鶴徒巢桂一作柱青門遂種瓜黃金銷

鑠素絲變一貴一賤交情見紅顏宿昔白頭新脫

粟布衣輕故人故人有湮淪新知無意氣灰死韓

安國羅傷翟廷尉已矣哉歸去來馬卿辭蜀多文

藻楊雄仕漢乏良媒三冬自矜誠足用十年不調

幾遭迴汲黯薪逾積孫弘閣未開誰惜長沙傳獨

負洛陽才紀事云楊盈川之為文好以古人性名連用號為點鬼簿實王文好以數對如

秦地重關一百二漢家離宮三十六人號為筭博士又曰倏忽搏風生羽翼須臾失浪委泥沙賓王

後與徐敬業興兵揚州大敗逃死此其讖也

疇昔篇

少年重英俠弱歲賤衣冠既託寰中賞方承膝下

歡遨遊灞水一作陵曲風月洛城端且知無玉饌誰

肯逐金丸金丸玉饌盛繁華自言輕侮季倫家五

霸爭馳千里馬三條競驚七香車掩映飛軒乘落

一作夜照參差步障引朝霞池中舊水如懸鏡屋裏

新粧不讓花意氣風雲倏如昨歲月春秋屢迴薄

上苑頻經柳絮飛中園幾見一作番梅花落當時門

客今何在疇昔交朋一作已疎索莫教憔悴損容

儀會得高秋雲霧廓淹留坐帝鄉無事積炎涼一

朝披短褐六載奉長廊賦文慙昔馬執戟歎前揚

揮戈出武帳荷筆入文昌文昌隱隱皇城裏由來

奕奕多才子潘陸詞鋒絡繹飛張曹翰苑縱橫起

卿相未曾識王侯寧見擬垂釣甘成白首翁負薪

何處逢知己以上一句一作徒勞判將運命

賦窮通從來奇舛任西東不一作豈應一作言永棄

同芻狗且復飄飄類轉蓬容髮年年異春華歲歲

同榮親未盡禮徇主欲申功脂車秣馬辭鄉國縈

轡西南使邛棘玉壘銅梁不易攀地角天涯眇難

測鶯囀蟬吟有悲望鴻來鴈度無音息陽關積霧

萬里昏劍閣連山千種色蜀路何悠悠岷峰阻且

脩迴腸隨九折迸淚連一作雙流寒光千里暮露

氣二江秋長途看束馬平水且沈牛華陽舊地標

神制石鏡蛾眉真秀麗諸葛才雄已號龍公孫躍

馬輕稱帝五丁卓犖多奇力四士英靈富一作文

藝雲氣橫開八陣形橋影遙分七星勢川平煙霧

開遊戲錦城隈墉高龜望出一作步轉水淨鴈文迴尋

姝入酒肆訪客上琴臺不識金貂重偏惜玉山頽

他鄉冉冉消年月帝里沈沈限城闕不見猿聲助

客啼唯聞旅思將花發我家迢遞關山裏關山迢

遞不可越故園梅柳尚有餘春來勿使芳菲歇解

鞅一作秩欲言歸執袂愴多違北梁俱握手南浦共

沾衣別情傷去蓋離念惜徂輝知音何所託木落

鴈南飛回來望平陸春來酒應熟相將茵閣卧青

谿一作沂且用滕盃泛黃菊十年不調為貧賤百日

屢遷隨倚伏祇為須求負郭田使我再干州縣祿

百年鬱鬱少騰遷萬里遙遙入鏡川一作吳江沸

潮衝白日一作浪淮海長波接遠天叢竹凝朝露孤

山起暝煙賴有邊城月常伴客旌懸東南美箭稱

吳會名都隱軫三江外塗山執玉應昌期曲水開

襟重文會仙鏘流音鳴鶴嶺寶劍分輝落蛟瀨未

看白馬對蘆芻且覺浮雲似車蓋江南節序多文

酒屢經過共踏春江曲俱唱采菱歌舟移疑入鏡

棹舉若乘波風光無限極一作數歸檝礙池荷眺聽

煙霞正流盼即從王事歸艫轉芝田花月

一作屢發

徘徊金谷佳期重遊行登高北望

一作南適

嗤梁叟憑

軾西征想潘掾峰開華岳聳疑蓮水激龍門急如

箭人事謝光陰俄遭霜露侵偷存七尺影分沒九

泉深窮途行泣玉憤路未藏金茹茶空有歎懷橘

獨傷心年來歲去成銷鑠懷抱心期漸寥落掛冠

裂冕已辭榮南畝東臯事畊鑿賓階客院常踈散

蓬徑柴扉終寂寞自有林泉堪隱棲何必山中事

丘壑我住青門外家臨素滄濱遙瞻丹鳳闕斜望

黑龍津荒衢通獵騎窮巷抵樵輪時有桃源客來

訪竹林人昨夜琴聲奏悲調旭旦含顰不成笑果

乘驄馬發囂書復道郎官稟綸誥治長非罪曾縲

綫長孺然灰也經溺高門有閱不圖封峻筆無聞

歛敷妙適離京兆謗還從御史彈炎威資

一作夏分

景平曲况秋翰畫地終難入書空自不安吹毛未

可待搖尾且求食丈夫坎壈多愁疾契濶迤邐盡

今日慎罰寧憑兩造辭嚴科直掛三章律鄒衍銜

悲衝燕獄李斯抱怨拘秦桎

一作格

不應白髮頓成

言糸
夜眉卷之三
絲直爲黃沙暗如漆紫禁終難叫朱門不易排驚
魂聞葉落危魄逐輪埋霜威遙有厲雪杜遂一作更
無階含冤欲誰道飲氣獨居懷忽聞驛使發關東
傳道天波萬里通涸鱗去轍還遊一作先逝海幽禽釋
網便翔空舜澤堯曦方有極讒言巧佞儻無窮誰
能跼躄一作迹依三輔會就商山訪四翁

艷情代郭氏答盧照鄰

迢迢芊路望芝田眇眇函關限蜀川歸雲已落涪
江外還鴈應過洛水灑洛水傍連帝城側帝宅層

夢垂鳳翼銅駝路上柳千條金谷園中花幾色柳
葉園花處處新洛陽桃李應芳春妾向雙流窺石
鏡君住三川守玉人此時離別那堪道此日空牀
對芳沼芳沼徒遊比目魚幽徑還生拔心草流風
迴雪儻便娟驥子魚文實可憐擲果河陽君有分
貨酒成都妾亦然莫言貧賤無人重莫言富貴應
須種綠珠猶得石崇憐飛燕曾經漢皇寵良人何
處醉縱橫直如循默守空名倒提新縑成慊慊翻
將故劍作平平離前吉夢成蘭兆別後啼痕上竹

詩紀 初唐卷之三
生別日分明相約束已取宜家成誠最當時擬弄
掌中珠豈謂先摧庭際玉悲鳴五里無人問腸斷
三聲誰爲續思君欲上望夫臺端居懶聽將雛曲
沈沈落日向山低簷前歸燕並頭栖抱膝當窓看
夕兔側耳空房聽曉雞舞蝶臨階祗自舞啼鳥逢
人亦助啼獨坐傷孤枕春來悲更甚峨眉山上月
如眉濯錦江中霞似錦錦字迴文欲贈君劍壁層
峯自糾紛平江淼淼分清浦長路悠悠間白雲也
知京洛多佳麗也知山岫遙虧蔽無那短封卽踈

索不在長情守期契傳聞織女對牽牛相望重河
隔淺流誰分迢迢經兩歲誰能脈脈待三秋情知
唾井終無理情知覆水也難收不復下山能借問
更向盧家字莫愁

代女道士王靈妃贈道士李榮

玄都五府風塵絕碧海三山波浪深桃實千年非
易待桑田一變已難尋別有仙居對三市金闕銀
宮相向起臺前鏡影伴仙娥樓上簫聲隨鳳史鳳
樓迢遞絕塵埃鶯時物色正徘徊靈芝紫檢參差

言終
初唐卷之十三
長仙桂丹花重疊開雙童綽約時遊陟三鳥聯翩
報消息盡言真侶出遨遊傳道風光無限極輕花
委砌惹裾香殘月窺窓覘幌色箇時無數併妖妍
箇裏無窮總可憐別有衆中稱黜帝天上人間少
流例洛濱仙駕啓遙源淮浦靈津符遠筮自言少
小慕幽玄只言容易得神仙佩中邀勒經時序簫
裏尋思復幾年尋思許事真情變二八容華識少
選漫道燒丹止七飛空傳化石曾三轉寄語天上
弄機人寄語河邊值查客乍可忽忽共百年誰使

遙遙期七夕想知人意自相尋果得深心共一心
一心一意無窮已投漆投膠非足擬只將羞澁當
風流持此相憐保終始相憐相念倍相親一生一
代一雙人不把丹心比玄石惟將濁水况清塵只
言柱下留期信好欲將心學松薜不能京兆畫蛾
眉翻向成都騁騶引青牛紫氣度靈關尺素艷鱗
去不還連苔上砌無窮綠脩竹臨壇幾處斑此時
空牀難獨守此日別離那可久梅花如雪柳如絲
年去年來不自持初言別在寒偏在何悟春來春

更思春時物色無端緒雙枕孤眠誰分許分念嬌
鶯一種啼生憎燕子千般語朝雲旭日照青樓遲
暉麗色滿皇州落花泛泛浮靈沼垂柳長長拂御
溝御溝大道多奇賞俠客妖容遞來往寶騎連花
鐵作錢香輪鶯水珠爲網香輪寶騎競繁華可憐
今夜宿倡家鸚鵡杯中浮竹葉鳳凰琴裏落梅花
許輩多情偏送款爲問春花幾時滿千回鳥信說
衆諸百過鶯啼說長短長短衆諸判不尋千回百
過浪關心何曾舉意西鄰玉未肯留情南陌金南
陌西隣咸自保還轡歸期須及早爲想三春狹斜
路莫辭九折卽關道假令白里似長安須使青牛
學劍端蘋風入馭來應易竹杖成龍去不難龍駮
去去無消息鸞鏡朝朝減容色君心不記下山人
妾欲空期上林翼上林三月鴻欲稀華表千年鶴
未歸不分淹留桑路待祗應直取桂輪飛

初唐第十三

初唐第十四

唐詩紀十四

吳郡黃德水彙編

鄞郡吳瑄校訂

駱賓王

二

五言律詩

從軍行

平生一顧重

念一作

意氣溢三軍野日分戈影天星

合劍文弓弦抱漢月馬足踐胡塵不求生入塞唯

當死報君

王昭君

歛容辭豹尾絨怨度龍鱗金鈿明漢月玉筯深胡
塵粧鏡菱花暗愁眉柳葉顰唯有清笳曲時聞芳
樹春

春夜韋明府宅宴

得春字

酌桂陶芳夜披薜嘯幽人雅琴馴魯雉清歌落范
塵宿雲低迴蓋殘月下虛輪幸此承恩洽聊當故
鄉春

夏日遊山家同夏少府

返照下層岑物外狎招尋蘭徑薰幽佩槐庭落暗
金谷靜風聲徹山空月色深一遣樊籠累唯餘松
桂心

初秋登王司馬樓宴

并序

司馬公千里騰光翼外臺而展足九日多暇敞
麗譙以開筵于時葭散秋灰檀移夏火鴻飛漸
陸流斷吹以來寒鶴鳴在陰振中天而警露于
是餽開玉饌交雜佩而薰蘭酒泛金翹映清樽
而湛菊雖傍臨廣派有異章渠之遊而俯瞰崇

墉雅叶城隅之會物色相召江山助人請振翰
林用濡筆海云爾

展驥端居暇登龍嘉宴同締賞三清滿承歡六義
通野晦寒陰積潭虛夕照空顧慙非夢鳥濫此厠
雕蟲

初秋於竇六郎宅宴 并序

六郎道合采葵嘯懸鶉而契賞諸君情諧伐木
仰登龍以締歡于時一葉驚寒下陳柯而捲翠
百花凝照淡虛牖以披紅既而俱欣得兔之情

共掩亡羊之淚物我雙致匪石席以言蘭心口
兩齊混汚隆而酌桂雖忘筌戴笠興交態於靈
臺而搦管操觚叶神心於勝氣盍陳六義詩賦
一言既事凝毫成者先唱云爾

千里風雲契一朝心賞同意盡深交合 一作神靈
俗累空草帶銷寒翠花枝發 一作夜紅唯將淡若
水長揖古人風

冬日宴

二三物外友一百杖頭錢賞洽表公地情披樂令

天促席一作膝鸞觴滿當鑪獸炭然何須攀桂樹逢此自留連

冬日過故人任處士書齋

神交尚投漆虛室罷遊蘭網積窓文亂苔深履迹殘雪明書帳冷水靜墨池寒獨此琴臺夜一作上流

於一作遊紫雲觀贈道士并序

余鄉國一辭江山萬里昔年離別還同塞北之鳧今日歸來即似遼東之鶴先生情均得兔忘

筌之契已深路是亡羊分岐之恨逾切不題短什何汰衷襟乎

碧落澄秋景玄門啓曙關人疑列禦至客似令威還羽蓋徒欣仰雲車未可攀祗應傾玉醴時許寄頽顏

遊靈公觀

靈峰標勝境神府枕通川玉殿斜連漢金堂迴架煙斷風疎晚竹流水切寒弦別有青門外空懷玄圃仙

陪潤州薛司空丹徒桂明府遊招隱寺

共尋招隱寺初識戴顓家
還依舊泉壑應改昔雲霞
綠竹寒天笋紅蕉臘月花
金繩倘留客為繫日光斜

稱心寺

征帆恣遠尋逶迤過稱心
凝滯蘅蕙岸泂澗楮柚林
穿漱不厭曲艤潭惟愛深
為樂凡幾許聽取舟中琴

同辛簿簡仰酬思玄上人林泉四首

聞君招隱地髣髴武陵春
緝芰知還楚披榛似避秦
崩查年祀積幽草歲時新
一謝滄浪水安知有逸人

芳晨臨上月幽賞狎中園
有蝶堪成夢無羊可觸藩
忘懷南澗藻蠲思北堂萱
坐歎華滋歇思君誰為言

林泉恣探歷風景暫徘徊
客有遷鶯處人無結駟來
聚花如薄雪沸水若輕雷
今日徒招隱終知異壑坏

言系 初唐卷之十四 五
俗遠風塵隔春還初服遲林疑中散地人似上皇
時芳杜湘君曲幽蘭楚客詞山中有春草長似寄
相思

秋日餞陸道士陳文林 并序

陸道士將遊西輔通莊指浮氣之關陳文林言
返東吳脩途走落星之浦於是維舟錦水藉蘭
若以開筵綫騎金隄泛榴花於祖道于時赤煙
沈節青女司晨霜鴈銜蘆舉賓行而候氣寒蟬
噪柳帶涼序以含情加以山接太行聳羊腸而

飛蓋河通少海疏馬頰以開瀾登高切送歸之
情臨水感逝川之歎既而嗟別路之難駐惜離
樽之易傾雖漆園筌蹄已忘言於道術而陟陽
風雨尚抒情於詠歌各賦一言同爲四韻庶幾
別後有暢離憂云爾

青牛遊華嶽赤馬

鳥一作

走吳宮玉柱離鴻怨金壘

浮蟻空日霽峻陵雨塵起洛陽風唯當玄度月千
里與君同

送鄭少府入遼共賦俠客遠從戎

言紀 初唐卷之十四
邊烽警榆塞俠客度桑乾柳葉開銀鏑桃花照玉
鞍滿月臨弓影連星入劍端不學燕丹客空歌易
水寒

送費六還蜀

星樓望蜀道月峽指吳門萬行流別淚九折切驚
魂雪影含花落雲陰帶葉昏還愁三徑晚獨對一
清尊

秋日送侯四

得彈字

我留安豹隱君去學鵬搏岐路分襟易風雲促膝

難夕漲流波急秋山落日寒惟有思歸引悽斷爲
君彈

秋日送尹大赴京

并序

尹大官三冬懸暢指蘭臺而拾青薛六郎四海
情深飛桂樽而舉白于時兔苑東上龍火西流
劍彩沈波碎楚蓮於秋水金輝照岸秀陶菊於
寒堤既切送歸之情彌軫窮途之感重以清江
帶地聞吳會於星津白雲在天望長安於日路
人之情也能不悲乎雖道術相望叶神交於靈

言
府而風煙懸隔貴申心於翰林請振詞鋒用開
筆海人爲四韻用慰九秋

掛瓢余隱舜負鼎爾干湯竹葉離樽滿桃花別路
長低河耿秋色落月抱寒光素書如可嗣幽谷竝

賓行

秋夜送閻五還潤州 并序

閻五官言返維桑脩途指金陵之地李六郎交
深投漆開筵浮白玉之尊于時璧彩澄虛漏輕
光於雲葉珪陰散迴搖碎影於風梧雖桂醕蘭

缸暫淹留於一夕而青山黃鶴將惆悵於九秋

請勒四言俱伸五際

通莊抵舊里溝水泣新知斷雲飄易滯連露積難

披素風啼一作迴堞驚月繞踈枝無力勵短翰輕

舉送長離

送王明一作府參選賦得鶴

振衣遊紫府飛蓋背青田虛心恒警露孤影尚凌

煙離歌悽妙曲別操一作繞繁弦在陰如可和清

響會聞天

言糸
不唐卷之十四
八
秋日送別

寂寥心事晚搖落歲時秋共此傷年髮相看惜去
留當歌應破涕哀命返窮愁別後能相憶東陵有
故侯

別李嶠得勝字

芳樽徒自滿別恨轉難勝客似遊江岸人疑上灞
陵寒更承夜永涼景向秋澄離心何以贈自有玉
壺冰

在兗州餞宋五之問

淮沂泗水地梁甫汶陽東別路青驪遠離樽綠蟻
空柳寒凋密翠棠晚落疎紅別後相思曲悽斷入
琴風

送宋五之問得涼字

願言遊泗水支離去二漳道術君所篤筌蹄余自
忘雪威侵竹冷秋爽帶池涼欲驗離襟切岐路在
他鄉

送郭少府探得憂字

開筵枕一作抗德水輟棹艤仙舟貝闕桃花浪龍門

竹箭流當歌悽別曲對酒泣離憂還望清門外空
見白雲浮

送劉少府遊越州

一丘余枕石三越爾懷鉛離亭分鶴蓋別岸指龍

川背夏

一作露下

蟬聲斷來寒

一作寒來

鴈影連如何溝水

上悽斷聽離弦

渡瓜步江

捧檄辭幽徑鳴榔下貴

一作遺

洲驚濤疑躍馬積氣

似連牛月迴寒沙淨風急夜江秋不學浮雲影他

鄉空滯留

途中有懷

睠然懷楚奏悵矣背秦關涸鱗驚照轍墜羽怯虛
彎素服三川化烏裘十上還莫言無皓齒時俗薄
朱顏

至分水戍

行役總離憂復此愴分流濺石迴湍咽繁叢曲澗
幽陰崖常結晦宿莽競含秋況乃霜晨早寒風入
戍樓

出石門

層巖遠接天絕嶺上棲煙松低輕蓋偃藤細弱絲
一作懸石明如掛鏡苔分似列錢暫策為龍杖何
處得神仙

至分陝

陝西開勝壤召南分沃疇列樹巢維鵲平渚下睢
鳩憩棠疑勿翦曳葛似攀樛至今王化美非獨在
隆周

望鄉夕泛

歸懷剩一作到不安促榜犯風瀾落宿含樓近浮月
帶江寒喜逐行前至憂從望裏寬今夜南枝鵲應
無繞樹難

久客臨海有懷

天涯非日觀地岷一作岳望星樓練光搖亂馬劍氣
上連牛草濕姑蘇夕葉下洞庭秋欲欲悽斷意江
上涉安流

同崔駙馬曉初登樓思京

麗譙通四望繁憂起萬端綺疏低晚魄鏤檻肅初

言終
寒白雲鄉思遠黃圖歸路難唯餘西向笑暫似當
長安

月夜有懷簡諸同病

閑庭落景盡踈簾夜月通山靈響似應水淨望如
空樓枝猶繞鵲遵渚未來鴻可歎高樓婦悲思杳
難終

遊宛郡逢孔君自衛來欣然相遇若舊

遊人自衛返背客隔淮來傾蓋金蘭合忘筌玉葉
開繁花明日柳踈葢落風梅將期重交態時慰不

然灰

西京守歲

閑居寡言晏獨坐慘風塵忽見嚴冬盡方知列宿
春夜將寒色去年共曉光新耿耿他鄉夕無由展
舊親

憲臺出紮寒夜有懷

獨坐懷明發長謠苦未安自應迷北叟誰肯問南
冠生死交情異殷憂歲序闌空餘朝夕鳥相伴夜
啼寒

鏤雞子

幸遇清明節欣逢舊練人刻花爭臉態寫月競眉
新暈罷空餘月詩成併道春誰知懷王者含響未
吟晨

詠美人在天津橋

美女出東隣容與在天津動衣香滿路移步襪生
塵水下看粧影眉頭畫月新寄言曹子建箇是洛
川神

賦得白雲抱幽石

重巖抱危石幽澗曳輕雲繞鎮仙衣動飄蓬羽蓋
分錦色連花靜苔光帶葉薰詎知吳會影長抱穀
城文

賦得春雲處處生

千里年光靜四望春雲生
一作日祥光舉疎雲
瑞葉輕蓋陰籠迴樹陣影抱危城非將吳會遠飄
蕩帝鄉情

在獄詠蟬 并序

余禁所禁垣西是法廳事也有古槐數株焉雖

生意可知同殷仲文之古樹聽訟斯在即周召
 伯之甘棠每至夕照低陰秋蟬踈引發聲幽息
 有切嘗聞豈人心異於曩時將蟲響悲於前聽
 嗟乎聲以動容德以象賢故潔其身也稟君子
 達人之高行蛻其皮也有仙都羽化之靈姿候
 時而來順陰陽之數應節為變審藏用之機有
 目斯開不以道昏而昧其視有翼自薄不以俗
 厚而易其真吟喬樹之微風韻姿天縱飲高秋
 之墜露清畏人知僕失路艱虞遭時微纏不哀

傷而自怨未搖落而先衰聞蟪蛄之流聲悞平
 反之已奏見螿螂之抱影怯危機之未安感而
 綴詩貽諸知己庶情沿物應哀弱羽之飄零道
 寄人知憫餘聲之寂寞非謂文墨取代幽憂云
 爾

西陸蟬聲唱南冠客思侵那堪玄髮影來對白頭
 吟露重飛難進風多響易沈無人信高潔誰謂表

予清一作心

詠水

言終
初唐卷之十四
列名通地紀疎派合天津波隨月色淨態逐桃花
春照霞如隱石映柳似沉鱗終當挹上善屬意淡
交人

同張二詠鴈

西望
啜藻蒼江

一作梧

遠銜蘆紫塞長霧深迷曉景風急

斷秋行陣照通宵月書封幾夜霜無復能鳴分空
知愧稻梁

詠雪

龍雲玉葉上鶴雪瑞花新影亂銅烏吹光銷玉馬

津含輝明素篆隱迹表祥輪幽蘭不可儷徒自繞
陽春

詠雲酒

朔空曾紀曆帶地舊疏泉色泛臨碭瑞香流赴蜀
仙款交欣散玉洽友悅沈錢無復中山賞空吟吳
會篇

塵灰

洛川流雅韻秦道擅苛威聽歌梁上動應律管中
飛光飄神女襪影落羽人衣願言心未翳終冀效

詩紀
初唐卷之十四
十五
輕微

秋晨同淄川毛司馬秋九詠

秋風

紫陌炎氛歇青萍晚吹浮
亂竹搖疎影縈池織細
流飄香曳舞袖帶粉泛粧樓
不分君恩絕紈扇曲
中秋

秋雲

南陸銅渾改西郊玉葉輕
泛斗瑤光動一作暗臨陽
瑞色明蓋陰連鳳闕障影翼
龍城詎知時不遇空

傷流滯情

秋蟬

九秋行已暮一枝聊暫安
隱榆非諫楚噪柳異悲
潘分形粧薄鬢鏤影飾危冠
自憐踈影斷塞林夕
吹寒

秋露

玉關寒氣早金塘秋色一作氣歸泛掌光逾淨
添荷
滴尚微變霜凝曉液承月委
圓輝別有吳臺上應
濕楚臣衣

詩紀

初唐卷之十四

十六

秋月

雲披玉繩淨月滿鏡輪圓
衰露珠暉冷凌霜桂影
寒漏彩含踈薄浮光漾急瀾
西園徒自賞南飛終未安

秋水

貝

一作金

闕寒流徹玉輪秋浪清
圖雲錦色淨寫月

練花明泛曲鶻弦動隨軒
鳳轄驚唯當御溝上悽
斷送歸情

秋螢

玉虬分靜夜金螢照晚涼
含輝疑泛月帶火怯凌
霜散彩縈虛牖飄花繞洞房
下帷如不倦當解惜
餘光

秋菊

擢秀三秋晚開芳十步中
分黃俱笑日含翠共搖
風碎影涵流動浮香隔岸通
金翹徒可泛玉笋竟
誰同

秋鴈

聯翩辭海曲遙曳指江干
陣去金河冷書歸玉塞

言終
寒帶月凌空易迷煙逗浦難何當同顧影刷羽泛
清瀾

樂大夫挽詞五首

可歎浮生促吁嗟此路難丘陵一起恨言笑幾時
歡蕭索郊埏晚荒涼井徑寒誰當門下客獨見有
任安

蒿里誰家地松門何代丘百年三萬日一別幾千
秋返照寒無影窮泉凍不流居然同物化何處欲
藏舟

昔去梅笳發今來薤露晞彤駟朝帝闕丹旄背王
畿城郭猶疑是原陵稍覺非九原如可作千載與
誰歸

一旦先朝菌千秋掩夜臺青鳥新兆去白馬故人
來草露當春泣松風向暮哀寧知荒壠外弔鶴自
徘徊
忽見泉臺路猶疑水鏡懸何如開白日非復覩青
天華表迎千歲幽扃送百年獨嗟流水引長掩伯
牙弦

丹陽刺史挽詞三首

百齡嗟倏忽 一旦附山阿 丹桂銷已亡一作盡青松

哀更思一作多薰風思虛一作聽曲薤露反成歌 自有

藏舟處 誰憐隙駟過

側愴恒山羽 留連棣萼篇 佳城非舊日 京兆即新

阡 城郭三千歲 丘陵幾萬年 唯餘松柏壠 朝夕起

寒煙

短歌三獻曲 長夜九泉臺 此室玄扃掩 何年白日

開 荒郊踈古木 寒隧積陳亥 獨此傷心地 松聲薄

暮來

初唐第十四



